

景岳全書麻疹診目錄謨集

卷之四十二

麻疹全

述原一

名義二

疹逆順三

疹脈四

疹證五

疹期六

麻疹初熱七

疹出沒八

疹形色九

疹滯十

疹吉凶十一

總論治法十二

疹禁忌十三

疹發熱十四

疹喘嗽十五

疹吐瀉十六

疹飲食十七

疹飲水十八

疹渴十九

疹汗衄二十

疹燥妄狂亂二十

疹咽痛二十二

疹唇口瘡二十三

疹腹痛二十四

疹後諸證二十五

附麻疹二十六

水痘二十七

論列方二十八

景岳全書麻疹目錄終

景岳全書卷之四十二 謨集

麻疹詮

會稽 張介賓 會卿著

會稽 魯超 謙菴訂

麻疹

全

述原

景岳子曰痘之與疹原非一種雖痘之變態多證而疹之收斂稍易然疹之甚者其勢凶危亦不減於痘最為可畏蓋疹毒痘毒本無異也第古人重痘而忽疹多不詳及使後人無所宗法余實恨之自得羅田萬氏之刻見其理透法精鄙念斯慰今悉從其訓備述於此雖其中稍有裁訂亦不過正其疑似詳其未詳耳使此後患疹者幸獲迷津之指南亦以見萬氏之功為不少矣

名義二

疹者痘之末疾惟二經受證脾與肺也內應於手足太陰外合於皮毛肌肉是皆天地間疹戾不正之氣故曰疹也然其名目有異在蘇松曰沙子在浙江曰醋子在江右湖廣曰麻在山陝曰膚瘡曰糠瘡曰赤瘡在北直曰疹子名雖不同其證則一但疹在痘前者痘後必復疹惟痘後出疹者方爲結局

疹逆順三

萬氏曰疹以春夏爲順秋冬爲逆以其出於脾肺二經一遇風寒勢必難出且多變證故於秋冬爲不宜耳夫天行不正之氣致爲人之瘍疹然古人於痘疹二字始終歸重於痘並不分別疹爲何物豈可以二證歸於一證耶想當時重痘不重疹故爾略之致使後人不得心法因而害事者往往有之今以吾家四代傳流以及今日心得之法開載於後用此應病

定不妄矣取有毫釐隱匿天其鑒之

疹脉四

凡出疹自熱起至收完但看右手一指脉洪大有力雖有別證亦不爲害此定存亾之要法也

景岳曰按此卽陽證得陽脉之義若細軟無力則陽證得陰脉矣元氣旣弱安能勝此邪毒是卽安危之基也故凡診得陰脉者卽當識爲陰證而速救元神宜用傷寒溫補托法參酌治之若執以麻疹爲陽毒而槩用清寒則必不免矣

疹證五

疹雖非痘之比然亦由胎毒蘊於脾肺故發於皮毛肌肉之間但一時傳染大小相似則未不由天行癘氣而發者此其源雖內發而證多屬表故其內爲胎毒則與痘證同外有表邪則與傷寒類其爲毒也總由君相二火燔灼太陰而脾肺

受之故其爲證則有欬嗽噴嚏面腫腮赤目胞浮腫眼淚汪
汪鼻流清涕呵欠悶頓乍涼乍熱手足稍冷夜臥驚悸或惡
心嘔噦或以手搯面目唇鼻者是卽出疹之候便宜用解毒
散邪等藥不使留停於中庶無他患且凡是疹證必其面赤
中指冷而多嗽又必大熱五六日而後見紅點遍身此其所
以與痘與傷寒有異也

一痘欲盡而留疹欲盡出則無病邪氣鬱遏則留而不去
正氣損傷則困而不伸毒歸五臟變有四證歸脾則泄瀉不
止歸心則煩熱不退而發驚歸肺則欬嗽血出歸腎則牙齦
爛而疳蝕

程氏曰麻疹初出類傷風寒頭疼欬嗽熱甚目赤頰紅一二月
內卽出者輕必須解表忌見風寒葷腥厚味如犯之恐生痰
涎變爲驚搐必致危矣如初起吐瀉交作者順乾嘔霍亂者

逆欲出不出者危亾立至

徐氏曰痘自裏而出於臟故重疹自表而出於腑故輕

景岳曰痘疹之屬有四種曰痘曰疹曰麻曰斑也痘則陸續漸

出自小而大或稀或密部位顆粒有辨也疹則一齊發出木

者如蘇子次者如芥子小者如蚕子而成粒成片者是也麻

則最細而碎如蚊迹模糊者是也班則無粒惟成片紅紫如

雲如錦者是也大都疹與麻斑同類卽發班傷寒之屬而痘

則本非其類也蓋痘毒本於肝腎出自中下二焦是以終始

不妨於食而全賴水穀爲主所以能食則吉不能食則凶故

治痘者不可不顧脾胃麻疹之毒則由表邪不解而內犯太

陰陽明病在上中二焦所以多不能食故治麻疹者但宜解

散火邪邪散則自能食矣是痘疹之治當各有所重者如此

疹期六

出疹之候初熱一日至次日鷄鳴時其熱即止止存五心微熱
 漸見欬嗽鼻流清涕或腹中作痛飲食漸減到申酉之間其
 熱復來如此者四日用手滿按髮際處甚熱其面上熱少減
 二三分欬嗽連聲而燥腮赤眼中多淚噴嚏頻發或忽然鼻
 中出血至五日其熱不分晝夜六日早時其疹出在兩頰下
 細細紅點至午時兩手背並腰下及渾身密密俱有紅點七
 日普徧掀發其鼻中清涕不流噴嚏亦不行七日晚兩頰顏
 色漸淡此驗出疹之要法

凡疹熱六日而出一定之規也若醫人無識用藥太早耗散元
 氣及至出時變害多矣或嗽而變喘或出一二日即隱或作
 大瀉或合目而喘此醫人用藥不當之害也吾家治法定不
 在五日内用藥必待見疹方用徐徐升表然用藥亦有次第
 凡一劑必作十餘次飲之况疹在皮膚之間若作一次服則

藥性催之太急每致謔語煩躁故當慎之

景岳曰按此萬氏之法謂醫人用藥太早恐致耗散元氣故必待見點面後施治及作一次服恐藥性催之太急皆惟恐無益而反以致害此固其心得之法也然以愚見則醫有高下藥有宜否但使見有確真發無不當則於未出之前或解或補必有得愈防之力以潛消其毒者既出之後亦必有善調之方而不致催急者此在善與不善或不嫌早與不早也嘗見庸流之誤治者多是誠不服藥爲中醫也此萬氏之說所以不可不遵

凡疹熱五六日必出矣醫人用藥見不能散父母見藥不效醫人見熱嗽不能除或以別證治之主家又或更醫此世之所以誤者多矣

麻疹初熱七

麻疹發熱之初與傷寒相似惟疹子則面頰赤欬嗽噴嚏鼻流
清涕目中有淚呵欠喜睡或吐瀉或手插睂目而赤爲異耳
但見此候卽是疹子便宜謹避風寒戒葷腥厚味古法用升
麻葛根湯以表散毒邪余製透邪煎代之更佳或柴歸飲亦
妙但使皮膚通暢腠理開豁則疹毒易出不可作傷寒妄加
汗下也妄汗則增熱而爲衄血欬血爲口瘡咽痛爲日赤腫
爲煩燥乾渴爲大小便不通妄下則裏虛爲滑泄爲滯下經
曰必先歲氣毋伐天和言不可妄汗妄下也

凡疹初熱疑似之間切不可輕易用藥總有他證必待五日腮
下見疹方可用升表之劑嗽多連打嚏噴鼻流清涕或流鼻
血飲食減少好飲凉水只宜調理飲食戒麪食葷腥

一疹子初發熱時未見出現欬嗽百十餘聲不已上氣喘急面
目胞腫時臥時起此火毒內蒸肺葉焦舉宜甘桔湯合白虎

湯加牛旁子薄荷主之○如疹出之時欬嗽口乾心煩者此毒在心肺發未盡也瀉白散加天花連翹玄參黃連主之
一疹子欲出未出之時宜早爲發散以解其毒則無餘患若不預解使之盡出多致毒蓄於中或爲壯熱日久枯瘁或成驚癩或爲瀉痢或爲欬血喘促或作疔蝕而死此雖一時戾氣之染然未有不由於人事之未盡也

疹出沒八

一疹子出沒常以六時爲準假如子後出午後卽收午後出子後卽收乃陽生陰成陰生陽成造化自然之數也凡此旋出旋收者輕若一出連綿三四日不收者乃陽毒太甚宜大毒湯或用荆芥牛旁子甘草玄參石膏桔梗主之○若逡巡不出者乃風寒外束皮膚閉密也宜荆防敗毒散主之
一疹已出而復沒者乃風寒所逼而然若不早治毒必內攻以

致痒瘍而死急用升麻湯加荆芥牛旁子甘草熱服則疹必復出而安矣

一發熱六七日以後明是疹子却不見出此必皮膚堅厚腠理閉密或爲風寒所襲或曾有吐瀉皆能伏也急用托裏散表之劑如麻黃湯去杏仁加蟬退升麻外用胡荽酒之類○如一向未更衣者必毒甚於內伏而不出局方涼膈散加午旁子主之

一疹子只怕不能得出若出盡則毒便解散治疹者於發熱之時當察時令寒暄酌而治之○如時證大寒以桂枝葛根湯或麻黃湯發之○時證大熱以升麻葛根湯或合人參白虎湯發之○不寒不熱以荆防敗毒散發之○如兼疫癘之氣以人參敗毒散發之○如盡一劑不出再作本湯服之外用胡荽酒又以苧麻醪酒遍身搵之務令亟出如三四作更不

出加腹中脹痛氣喘昏悶則死證也

景岳曰按此萬氏之法極得隨時制宜之善已盡發表之義矣然發表之義亦最不易卽如營衛不足而疹有不能出者其證甚多若徒知發之而不知滋之則營衛有弱者非惟不能發而且恐窮其源矣此其或在脾胃或在血氣必得其神庶乎有濟如傷寒三表之法實亦有關於此

疹毒出盡則邪氣解散正氣自然和平如發熱煩悶或嘔吐或泄瀉此毒邪壅遏尚未出盡也○煩熱者黃連解毒湯○嘔泄者柴胡橘皮湯○僉外用胡荽酒及苧麻戛法如前待疹子出盡則煩熱自去嘔吐自止矣

一疹有既收而餘毒未盡至三日之外又復發出或至五六次不已者此因發熱之時不避風寒致令邪氣鬱於肌肉之間留連不散雖曾解散終屬未暢耳若兼雜證亦當隨證治之

疹形色九

凡看麻疹初出之法多於耳後項上腰腿先見其頂尖而不長其形小而勻淨者吉也若色見通紅則疹發於心紅者火之正色也若疹色淡白者心血不足也養血化斑湯主之或四物湯加防風色大紅燄或微紫者血熱也或出太甚者並宜大青湯主之或四物湯去川芎加柴胡黃芩乾葛紅花牛旁子連翹涼血滋陰而熱自除所謂養陰退陽之義亦五死一生之證也若黑色者則熱毒尤甚而十死一生之證此尤不可不明察之而混爲施治也

凡疹初出色赤者毒盛之勢也但大便調咳嗽多右手一指脉輕重取皆有力雖熱重不碍但當隨證調理若嗽少右手一指脉無力雖三日後收其渾身疹瘡變爲紫色壅結於皮膚之間若用解利之藥其色漸轉紅色嗽多流涕頗思飲食者

生若投二三劑難變者難療也

疹涕十

凡疹出至二三日必兩鼻俱乾待收完看毒氣輕者清涕即來就思飲食此不必服藥若清涕來遲不思飲食者須要清肺解毒必俟清涕出方可不用藥

疹吉凶十一

或熱或退五六日而後出者輕

透發三日而漸沒者輕

淡紅滋潤頭面勻淨而多者輕

頭面不出者重

紅紫黯燥者重

咽喉腫痛不食者重

冒風沒早者重

移熱大腸變痢者重

黑黯乾枯一出卽沒者不治

鼻扇口張日無神者不治

鼻清糞黑者不治

氣喘心前吸者不治

總論治法十二

一疹喜清涼而惡濕痘喜溫暖而惡涼此固其大法也然亦當有得其宜者如疹子初出亦須和緩則易出所以發苗之初只要發出得盡則疹毒便解非若痘之苗而秀秀而實而後毒解也痘子成熟之時若太溫熱則反潰爛不收是痘之後亦喜清涼也故治痘疹者無過熱無過寒必溫涼適宜使陰陽和平是爲得之

一痘宜內實可用補劑疹忌內實只惟解散惟初熱發表時略

相似耳卽出之後痘宜補氣以生血疹宜補陰以制陽何也
蓋疹熱甚則陰分受其熬煎而血多虛耗陰金被尅故治以
清火滋陰爲主而不可少動其氣若燥悍之劑首尾皆淡忌
也世知痘證所係之重而不知疹之殺人尤甚方書多忽而
不備良可太息也矣

一 班疹之毒皆由於火內經曰赫曦之紀其病瘡瘍故或遇二
火司天或司運之歲肺金受制感而發者居多輕則如蚊迹
之狀或壘腫於皮膚間名曰癰疹重者如珠點紅暈或片片
如錦紋名曰班疹大抵色赤者吉色黑者凶其證似傷寒發
熱凡三四日而出七八日而靨也凡此之類皆屬邪熱治之
之法惟辛涼解利而已卽若吐瀉亦斷不可用溫補也如豆
蔻乾薑之類切勿輕用而初發之時尤不可大汗只宜升麻
葛根透邪煎之屬微表之耳故用宜斟酌有不可一槩取必

也

標出不紅現而發熱轉甚或頭痛身痛煩躁者升麻湯或透

邪煎

色赤稠密身痛煩躁者升麻湯加紫草連翹

寒熱併作頭痛背强者升麻湯加羌活防風連翹

頭項而腫升麻湯加牛蒡子荆芥若脉强火盛熱渴者宜清

降其火以自虎湯加減用之

自汗煩渴氣壅脉數者化班湯

身熱煩渴泄瀉者柴苓湯或四苓散如夏月益元散

熱甚小便赤澀譫語驚恐者導赤散四苓散加辰砂夏月益

元散加辰砂

欬嗽甚者二母散麥門冬湯清肺湯

喘者小柴胡湯去人參加五味子

熱甚鼻衄或便血溺血熱甚者黃連解毒湯血甚者犀角地黃湯

一傷食嘔吐六君子湯加藿香乾葛或減去人參○熱甚嘔吐者解毒湯○小便不利而嘔吐者四苓散一二日不通者導赤散

一大便秘結發熱身痛者大柴胡湯腹脹氣喘者前胡枳殼湯一咽喉不利甘桔湯兼風熱欬嗽者加防風

一寒熱往來似瘧小柴胡湯如兼欬嗽去人參

一瀕後身熱不除者升麻湯或去升麻加黃芩黃連各酒炒用一 下痢赤白腹痛者黃芩芍藥湯或加枳殼身熱腹痛者解毒湯

湯

一餘毒未盡變生癰疽瘡癤者升麻湯加防風荆芥牛旁子

景岳曰按以上萬氏治疹諸條皆極詳妥然其中惟瀉痢氣喘

一證則最多疑似蓋二證之由疹毒固當如其治矣然有不
因疹毒者如俗醫但見是疹無不槩用寒涼不知有可涼者
有不可涼者其有脾氣本弱而過用寒藥或以誤食生冷致
傷脾胃而爲泄瀉者亦多有之此一證也雖曰由疹而發而
實非疹毒之病矣但察其別無熱證熱脉而兼之色白氣餒
者便須速救脾氣急從溫補宜溫胃飲五君子煎胃關煎之
類主之若執謂疹毒不可溫則無不危矣此醫之當知本也
又如氣喘一證大有虛實蓋十喘九虛若察其本非火證又
非外邪而或以大瀉或以大汗而致喘者必皆氣脫之候此
非六氣煎或貞元飲必不可也凡此二者皆不可不加細察
而或者以氣促作氣喘則萬萬大誤矣又痘疹總論中有因
人因證之辨與此麻疹實同一理所當參閱故不可以麻疹
之邪悉認爲實火而不知虛火之爲害也

徐東臯曰痘難疹易之說此俗談耳其有胃氣原弱所感入深
又或因瀉利而發有不快或發之未透而隨現隨隱久之邪
氣漸入於胃必瀉泄不已出而復出加之喘促則必危矣凡
若此者又豈可以易言哉所以但有出疹若見虛弱急當先
補脾胃其有欲出不出急當托裏發表以助之且首尾俱不
可瀉一如痘證同也

疹禁忌十三

凡疹瘡發表之後紅影出於肌膚切戒風寒生冷如一犯之則
皮膚閉密毒氣壅滯遂變渾身青紫而毒反內攻煩躁腹痛
氣喘悶亂諸證作矣欲出不出危亾立至醫家病家皆不可
不慎

一疹瘡之證全在調治禁忌如鷄魚炙煨鹽醋五辛之類直過
七七之後方可食之惟宜食淡不可縱口致生他疾也若誤

食鷄魚則終身皮膚粟起如鷄皮之狀或遇天行出疹之時
又令重出悞食猪肉則每歲凡遇出疹之月多有下利誤食
鹽醋致令欬嗽則每歲出疹之月必多欬嗽誤食五辛之物
則不時多生驚熱此痘疹之家皆所當慎也

疹發熱十四

疹非熱不出凡疹子欲出必遍身發熱或煩躁或頭眩或身
體拘急及既出則身便涼諸證悉解此一層疹子隨即收者
極輕者也如疹子既出而熱甚不減此毒盛者也宜大青湯
解其毒便澁者宜黃連解毒湯合白虎湯或大連翹飲解其
裏大便不通者局方涼膈散加牛蒡子主之

疹喘嗽十五

凡疹證多嗽此頓出頓入之勢也但有疹毒須假嗽多而散故
疹後旬日之內尙宜有嗽切不可見嗽多而治嗽也宜慎之

疹

肺與脾胃肺受火邪則嗽多嗽多則頓出頭面并及四
大腸受火邪則上連脾胃而爲泄瀉若早瀉則嗽必減而
變爲喘蓋喘嗽二者皆屬於肺然嗽實喘虛得嗽者出得喘
者人人則合眼多痰胸滿腹脹色白而毒不盡出證則危矣
此疹之宜嗽不宜喘而最不宜於泄瀉也

疹吐瀉十六

凡疹子初起發熱吐利純是熱證不可作寒論此乃火邪內逼
上焦則多吐下焦則多利中焦則吐利並作自利者宜黃芩
湯吐利者宜黃芩湯加半夏二錢生薑二片自利裏急後重
宜黃連解毒湯合益元散

凡疹出一二日或三四日忽然大瀉嗽多者用升表之藥加以
分利治之若瀉而兼喘復見悶亂搖頭者凶

一麻疹現後大便下膿血或因泄瀉而變成膿血者或徑自利

景岳全書 卷之四十二
者但看瘡疹出多而色紅又多嗽者只宜表疹俟其收後方宜解毒兼治其痢

一疹之初起最忌泄瀉然亦有始終泄瀉而不妨者稟之強弱異也若因瀉嗽減而變爲喘者則危矣詳前喘嗽條

一身熱煩渴泄瀉者柴苓湯四苓散如熱甚或夏月益元散

一疹後作痢亦有看手咬指甲撕口唇皮及咬人等證當以解

毒分利藥治之若所下稠涎紅白相兼者務要用解毒之藥

○若晝夜有三五十次漸減至二三次或漸多嗽右手一指

脈漸起清涕復來者方可望生○若痢變煤色或成屋漏色

或如青菜色肛門如筒喘促音啞飲食不進午後腮紅皆不

治

景岳曰自古方書凡發揮未盡及用治未當者間亦有之而惟

於泄瀉一證則尤其爲最何也蓋古人以泄瀉爲熱者什九

故多用河間黃芩芍藥湯爲主治而不知凡屬泄瀉最多則
腎虛寒也卽如出疹一證雖有出疹證而瀉者然果係實熱
多不作瀉但致瀉者率由脾胃之弱若但知清火解毒則脾
必日敗而漸成屋漏青菜色及氣促絕食不治之證矣病而
至此豈猶熱耶總屬誤耳故凡治泄瀉者卽雖是疹亦必察
其有無熱邪如無熱證熱脈卽當於痘瘡泄瀉條求法治之
庶最危者猶可望其生也故余於諸法之外而猶言其要者有如此

疹飲食 十七

凡出疹者多有五六日不飲食此胃爲邪氣所侵亦爲邪氣所
養故不食亦不妨切不可着意治之只宜治疹疹瘡出盡毒
氣漸解卽思飲食尤不可與麪食雖用粥飲每次只可少與
候氣清神爽身全不熱漸漸加添但宜少而頻也

凡出疹之先平昔過用麪食者或正出時喫麪食者或胃氣漸

開即思麪食而用早者因動胃火以致清涕不來身體作熱
兩眼看手咬指樞鼻撕口唇皮及撕眼劄毛者此皆疹後食
復之病也當清肺解毒加消導之劑治之

疹飲水 十八

凡患疹之人不拘大小自起至收必皆喜飲涼水此不必禁但
宜少不宜多宜頻不宜頓則毒氣隨之漸解

疹渴 十九

凡疹子渴喜飲水純是火邪肺焦胃乾心火內亢故也初熱發
渴者升麻葛根湯加天花粉麥門冬渴甚者人參白虎湯合
黃連解毒湯主之

疹汗衄 二十

凡疹子發熱或自汗或鼻衄者不須止之此亦散越之義汗者
毒從汗散衄者毒從衄解但不可太過如汗太多人參白虎

湯或合黃連解毒湯咽太多者之象地黃湯

疹躁妄狂亂 二十一

凡疹有初熱而見煩擾譫妄狂亂者宜升麻葛根湯調辰砂益元散主之

一疹收之後餘熱未盡日夜煩躁譫語狂亂者辰砂益元散用燈心湯調下或四苓散加燈草黃連黃芩調水飛硃砂五分

主之

疹咽痛 二十一

痘疹咽痛亦是常候乃火毒上薰而然也勿以喉痺同論妄用針刺蓋此非喉痺癰腫原無惡血可去也痘疹喉病只是咽乾作痛宜甘桔湯加牛旁子或射干鼠粘子湯細細嚥之更以玉鑰匙吹之

疹唇口瘡 二十三

凡出疹之先或有胃火及出疹之後餘毒不散此熱毒收於牙齦上下故齒唇口生瘡遇有此證每日用溫米泔水洗十餘次急用解毒之藥治之若或失治多變走馬疔也

疹腹痛二十四

凡疹初熱一日至五六日之間多有腹痛之證此大腸之火鬱於皮竅之中故作腹痛俱不可認作傷食用消導之藥或以手揉俱能致害但解疹毒散則腹痛自止最宜慎之

疹後諸證二十五

凡疹後餘毒未盡隨當解之若停留日久不解則必致喘嗽或喉中痰响或爲四肢冷痺或目無光彩面色青白或鼻孔如烟筒或嗽聲不出若右手一指脉輕取散亂重按全無則成難治之證矣

一疹子收後身有微熱者此虛熱也不須治之待溫氣和暢其

熱自退若熱勢太甚或日久不減宜用柴胡麥門冬散甚則黃連解毒湯或合人參白虎湯

疹後熱不退而髮枯毛豎肉消骨立漸漸羸瘦爲骨蒸勞瘵之證者宜萬氏柴胡四物湯主之或蘆薈肥兒丸加當歸連翹治之遲則變證爲睡則露睛口鼻氣冷手足厥逆遂成慢脾風瘵瘵不治之證矣

一疹後熱不除忽作搐者不可以急驚風同論宜導赤散加人參麥門冬送七味安神丸小便清者可治短小者難治如見多痰或用抱龍丸或以四物湯加麥門冬棗仁淡竹葉甘草龍胆草黃連茯苓辰砂石菖蒲之類治之或以此藥爲末用蒸餅猪心血爲丸服亦可

一疹退後多有欬嗽之證若微嗽不已者此餘毒未盡也用清肺飲加生甘草牛蒡子主之○若嗽甚氣逆發而不已者此

肺中伏火金虛葉焦也宜清肺飲或清肺湯合人參白虎湯
六一散之類主之○若身熱頓嗽甚至飲食俱噎出或欬出
血皆熱毒乘肺而然宜多用門冬清肺湯或加連翹或清金
降火湯主之○若欬甚而面浮目腫胸高喘急血出口鼻面
色青赤昏躁搖頭者死證也○又有肺氣本虛爲毒所逼而
發喘不已但無嗽血噎食等證者宜用清肺飲倍加人參治
之不可拘於肺熱之說而純用清肺解毒之藥也

一疹後餘熱未盡或熱甚而失血者四物湯加茵陳木通犀角
一以利小便使熱氣下行則愈若血在上者去川芎

疹後餘毒入胃久而不散以致牙齦黑爛肉腐血出臭氣衝
人者名爲走馬疳用馬鳴散主之甚者急用人中白蘆薈史
君子龍胆草黃連五靈脂浸蒸餅爲丸滾水服之以清胃火
○若面頰浮腫環口青黑齒脫唇崩鼻壞者死證也

疹退之後飲食如常動止如故乃卒然心腹絞痛遍身汗出如冰者此因元氣虛弱失於補養外雖無病裏實虛損偶然爲惡氣所中謂之中惡此朝發夕死之證

附麻疹二十六

痘之外有疹疹之外又有麻疹麻疹者亦疹之類卽斑疹也但正疹則熱至五六日而後一齊湧出出皆粒粒成瘡非若麻疹之皮紅成片也且麻疹之出則不拘三四日以火照之遍身如塗朱之狀此將出之兆出則細碎皮紅成片如蚊蚤之迹者卽麻疹也亦有六日始出出而又沒沒而又出不過一周時許世俗謂一日三出三日九出後方齊出透徹然亦有不拘者只三日間從面至胸背手足雖隨出隨沒然只要出透以遍身紅潤者爲美重者遍身膨脹眼亦封閉色有赤白微黃不同只要紅活最嫌黑陷及面目胸腹稠密纏鎖咽

喉者爲逆發不出而喘者卽死所謂麻者以遍身細碎如麻無有空處故也然又有遍身但紅而絕無班點者是又謂之火丹亦其類也故痘家有夾疹夾麻夾丹等證總皆熱毒所致俱當詳辨也

一麻疹初起呵欠發熱惡寒欬嗽嚏噴流涕宜升麻葛根湯如蘇葉蔥白以解肌切忌大汗○若潮熱甚者加苓連地骨皮○譫語者調辰砂益元散○欬嗽加麻黃杏仁麥門冬石膏○欬甚熱甚者用涼膈散加結梗地骨皮○泄瀉者宜四苓散便紅合犀角地黃湯○吐血衄血用犀角地黃湯加山梔小便赤加木通○寒熱似瘧小柴胡湯

一麻疹已出煩躁作渴者解毒湯合白虎湯○喘而便閉者前胡枳殼湯加五味子○便秘甚者小承氣湯○譫語溺閉者導赤散○小便如泔者四苓散加車前木通○譫語如狂者

解毒湯調辰砂益元散○大小便血者犀角地黃湯合解毒湯○吐血衄血解毒湯加炒山梔童便○泄瀉解毒湯或四苓散○喘兼泄瀉溺赤澁者柴苓湯○煩熱大渴作瀉者白虎湯加蒼朮猪苓○熱盛乾嘔者解毒湯○傷食嘔吐四君子湯○夏月因熱作嘔四苓散加人參

一麻證初起及已出已沒一切雜證俱與痘疹大同但始終藥宜清涼雖曰麻喜清涼疳喜溫煖不易常道然虛則補實則瀉寒則溫熱則涼方遵醫家玄妙故治麻亦有血虛而用四物湯氣虛而用四君子湯傷冷則溫中理中之藥皆當口證而用也

一麻證收後餘毒內攻凡尋衣摸床謔言妄語神昏志亂者死○如熱輕而餘毒未除必先見諸氣色若有所見須預防之始終以升麻葛根湯為主或四味消毒飲或六味消毒飲解

毒湯隨證選用仍忌魚腥葱蒜等物

水痘二十七

凡出水痘先十數點一日後其頂尖上有水泡二日三日又出漸多四日渾身作痒瘡頭皆破微加壯熱即收矣但有此疾須忌發物七八日乃痊

一水痘亦有類傷寒之狀身熱二三日而出者或欬嗽面赤眼光如水或嘔嚏或流涕但與正痘不同易出亦易靨治而清熱解毒為主

麻疹論列方二十八

四君子湯 補一

五君子煎 新熱六

六君子湯 補五

四物湯 補八六

六氣煎 新因二一

人參敗毒散 出熱二六

化班湯 寒三

白虎湯 寒二六

人參白虎湯 寒三

小柴胡湯 散十九

大柴胡湯 攻七

荆防敗毒散 痘三一

甘桔湯 因一七五

解毒湯 痘五一

黃連解毒湯 寒一

麻黃湯 散一

升麻湯 痘一三九

升麻葛根湯 散三十一

透邪煎 新 因二三

托裏散 痘四

局方涼膈散 攻十九

柴歸飲 新 因十五

清肺飲 痘八七

清肺湯 痘一四五

柴胡橘皮湯 痘二九

黃芩湯 景仲寒百五

二母散 痘百五十

射于鼠粘子湯 痘十七

麥門冬湯 痘四二

導赤散 寒一二二

萬氏柴胡四物湯 痘一四三

四苓散 和一八七

柴芩湯 和一九二

養血化斑湯 痘十八

小承氣湯 攻二

益元散 寒百十二

門冬清肺湯 痘一四七

大青湯 痘一五二

瀉白散 寒四二

清金降火湯 痘一四九

溫胃飲 新熱五

貞元飲 新補十九

柴胡麥門冬散 痘二四

胃關煎 新熱九

抱龍丸 小八五

玄參地黃湯 痘八六

大連翹飲 寒七八

玉鑰匙 因一六三

七味安神丸 小七二

胡麥酒 痘百十八

馬鳴散 痘一三八

犀角地黃湯 寒七九

四味消毒飲 痘四八

六味消毒飲 痘四九

蘆會肥兒丸 小百十四

桂枝葛根湯 痘二七

前胡枳殼湯 痘九四

黃芩芍藥湯 寒百九

備用方

具列痘疹方末所當詳閱

卷之四十三

痘疹上

總論一

初辨痘證二

論脉三

形色情性四

日期五

五臟證六

分氣血七

辨虛實寒熱八

部位吉凶九

痘形痘色吉凶十

吉證十一

凶證十二

怪痘形證十三

死證日數歌十四

發熱三朝辨吉凶十五

報痘三朝辨吉凶十六

起痘三朝辨吉凶十七

瀉膿三朝辨吉凶十八

結靨三朝辨吉凶十九

落痂後辨吉凶二十

痘瘡上論列方三一

卷之四十四

痘瘡中

總論治法二二

熱證論治二三

發熱三朝治款二四

靨痘三朝治款二五

起發三朝治款二六

灌膿三朝治款二七

結靨三朝治款二八

靨後落痂治款二九

痘後餘毒發熱三十

禁忌三一

出不快三二

陷伏三三

痒癢抓破三四

作痛三五

頭面腫三六

痘疔黑陷三七

飲食三八

咽喉口齒三七

痘瘡中論列方四十

卷之四十五

痘瘡下

總論吐瀉四一

嘔吐四二

泄瀉四三

寒戰咬牙四四

煩躁四五

喘急四六

聲音四七

驚搐四八

昏睡四九

腰痛五十

腹痛五一

腹脹五二

厥逆五三

發渴五四

矢血五五

發疱五六

潰爛五七

多汗五八

夾疹五九

夾斑六十

晝夜啼哭六一

大小便閉六一

目證六三

痘癰痘毒六四

疖蝕瘡六五

痘藥正品六六

痘家藥忌六七

痘瘡下論列方六八

曾稽 張介賓 曾卿著

曾稽 曾 超 謙菴訂

痘瘡上

總論一

痘瘡一證俗曰天瘡原其所由實由胎毒內藏而後因時氣外
 觸其毒乃發故傳染相似是亦天行疫癘證也但考之內經
 則止言瘍疹即今斑疹之屬也故自越人仲景元化叔和諸
 公皆無一言及痘可見上古本無是證而今則何以有之愚
 謂近代之毒必以醇酒五味造作太過較古人之恬淡相去
 遠矣或者未信余言弟觀黎蘆膏梁之家即有不同今之北
 虜亦不出痘原其所由實由是耳豈果彼無胎毒耶故凡多

遭此害者當以余言孰味之

一痘瘡變幻百出虛中有實實中有虛要非曲學偏見者可以窺其堂室若目力心思一有不到則害不小矣設或知證而不知形則無以洞其外知形而不知脈則無以測其內知脈而不知本則無以探其源知本而不知因則無以窮其變知因而不知藥則無以神其治只此數事今醫果能全之否設有不能而強以爲能則致害於人獲罪於天能無畏乎故余于痘疹一門肅心既久積驗已多因蒐採先哲之最精於此者如文中陳氏仲陽錢氏立齋薛氏羅田萬氏晨峯程氏東臬徐氏改齋友氏并其他雜錄等書有述其舊者有發其未發者有剖其疑似者有因涉歷而吐其心得者盡我愚衷集而成帙痘疹玄秘似無出此

痘疹發熱大抵初時與傷寒相似然傷寒之邪從表入裏故見各經之證痘疹之毒則從裏出表故見五臟之證如呵欠悶頓肝證也乍涼乍熱手足稍冷多睡脾證也面燥腮赤欬嗽噴嚏肺證也驚悸心證也飀涼耳冷腎證也○又觀心窩有紅色耳後有紅筋目中含淚或身熱手指皆熱惟中指獨冷乃知是痘證也便當察其虛實隨證治之

辨痘歌

五指稍頭冷驚來不可當若逢中指熱必定是傷寒中指獨白冷麻痘證相傳女右男分左分明仔細看

看耳歌

兩耳紅筋痘必輕紫筋起處重沉沉急須用藥相攻治十個難求三五生

看痘法

凡初看痘法以紙撚蘸油照其顆粒次以手摸面頰如紅色隨手轉白隨白轉紅謂之血活生意在矣若指之太白舉之不紅是謂血枯縱踈亦危○又看三睛神光口唇舌尖紅活如常無燥白之色乃爲吉兆自可無憂此觀痘疹之大治

察脉法

凡看痘之法一見發熱卽當先察其脉蓋凡痘瘡將出者未見形迹必先發熱既見發熱脉必滑數但微見滑數有神而不失和緩之氣者其痘必輕而少若滑數加倍而猶帶和緩者其痘必多而重尙亦無害若滑數之甚又兼弦躁或芤急無神而全無和緩之氣者其痘必甚而危故余於初熟時便能斷其吉凶人多驚服而不知所窺在脉也凡診此之法但全握小兒之手而單以拇指診之亦最易也看疹之法此爲第一而今醫多不知之亦以古人之未之及耳

認豆法

凡痘瘡緊小克實者名曰珍珠痘此則易壯易壓向大飽滿者名曰大痘此則早壯而遲收四圍起而中心陷者名曰菜莢痘不痛不突者名曰蒸餅痘此則有凶者苦稀者輕密者重

論脉二

痘自發熱以至起脹毒從內出陽之候也脉宜浮大而數不宜沉細而遲白胃膿收靨以後毒已外解陰之候也脉宜和緩不宜洪數又曰痘瘡之脈中和爲貴不可過於躁疾或見微小故曰脉靜身涼者生脉躁身執著者死又陽病得陰脉者死大抵四時以胃氣爲本胃氣者以四時之脉而皆兼和緩即胃氣也蓋滑數浮洪爲太過太過爲實實者邪氣實也弦遲微弱爲不及不及爲虛虛者正氣虛也設以太過不及之脉而中無和緩之氣是皆死候之脉故曰人無胃氣則死

形色情性四

凡天行痘疹之時有於未出之先察其形色情性可以預知吉凶也○一觀其色如面頰紅白明潤與平日同而無變者吉如忽見紅赤而太嬌或眊白而無彩頓然或變異於平時者凶又如額有青紋目有赤脉口有黑氣耳有塵痕者皆大凶之兆○二觀其形凡精神暢爽動止便利語言清亮者無病而吉也如精神衰弱動止遲留言語此微異如平時者凶又原其壽相者古如有入相則凡頭破顛解項小脚細聲微見無精彩或睛光露神啼聲斷續無喜無情而自語自笑聰慧太早肉浮骨嫩者皆不吉之兆○三觀情性凡未發熱時忽生喜心若與父母愛戀不忍捨者及聞見怪異言語妄誕者皆凶兆也

痘瘡太約之數發熱三日報痘三日起脹三日貫膿三日結靨
三日共十五日乃大率常數此其正也惟痘密毒甚者常過
其期痘疎毒微者常不及期固有不可一例拘者但得痘色
明潤根窠紅活飲食二便如常又無表裡雜證雖遲數日不
妨設有當出不出當起不起當膿不膿當靨不靨者須詳察
其證或爲元氣虛弱不能運行則補其元氣或爲雜證攻剝
不能通貫則去其雜證又六日以前毒發未盡有雜證者常
也六日以後毒該發出雜證當除而不除者爲逆須詳辨而
急治之

五臟證六

痘疹二證古人有云痘自裏而出於臟其毒深故久熱而難出
爲重疹自表而出於腑其毒淺故暴熱而易出爲輕余謂此
說未必然也蓋痘疹皆出於臟腑未有表裏不相通者但出

於腑者在痘亦輕出於臟者在疹亦重所以凡是疹子必發熱至五六日而後出不可言易且疹子多屬肺經豈肺經非臟耶

一 心經痘證心主火凡紅赤煩渴或上竅咬牙者心臟熱也心熱者導赤散心虛者人參麥門冬生地黃當歸之類煩渴邪盛者葛根解毒湯○脾經痘證多有吐瀉腹痛者訣云發熱肚中痛斑瘡腹內攻發多防未透發少更防癰可見瘡疹腹痛乃為惡候當察腹痛吐瀉各條治之○肺經痘證凡發熱之時喘息氣逆喉中涎響此肺經惡候也蓋毒火內蒸刑肺而然當察本條治之○肝經之痘凡發熱之初多有驚搐等證蓋痘毒多熱熱則生風風則一搏故發驚搐然亦當速治者有不必治者詳見本條○腎經痘證初發熱時但覺腰痛蓋腎與膀胱為表裏今毒由太陽傳入少陰所以腰痛此其

毒陷陰分最非佳兆宜察本條治之

毒歸五臟證有不同當詳辨也○毒歸於心則為斑疹為驚悸為壯熱為咽乾為痛為渴為汗為丹瘤為癰瘍潰爛○毒歸於肺則為欬為喘為癢為衄血為瘡乾燥皴揭為肩臂痛○毒歸於脾則為吐為瀉為腫為脹為腹痛為唇瘡破裂為舌本強為手足痛為不食○毒歸於肝則為悶亂為水疱為目病為卵腫為乾嘔為筋急拘攣為吐虵為寒戰咬牙○毒歸於腎為腰痛為黑陷為失音為手足逆冷為咽乾痛為饑不欲食為多唾○毒歸於腸胃為泄瀉為痢膿血為腹鳴矢氣為大便不通○毒歸於膀胱為小腸滿痛為溺血為遺溺為小水不通為頭頂腫痛為反張為目上視○以上五臟之證舉其槩耳凡諸證治俱備襍證各條之中宜詳究之

分氣血七

一氣血各有所主○凡痘之終始無非藉賴血氣但得血氣克暢則易出易收血氣不足則變證百出故治痘者必當先顧血氣然氣屬陽無形者也血屬陰有形者也故無形之屬皆氣主之有形之屬皆血主之是以氣主標血主本氣主發血主肥氣主形血主色氣主橐籥血主根基故氣能起脹以主郭郭血能貫漿以成飽滿至其為病則凡為白為陷為灰色為不起發為頂有孔為出水為痛為并為浮腫為豆殼為不靨不落為飢表不固為膚癢不通等證皆氣之為病也又如為紫黑為乾枯為無血為無膿為黑陷黑靨為腫痛牙疔為疔癰斑疹為津液不達為痘後餘毒皆血之為病也此氣血之分固有如是然血無氣不行氣無血不止氣至而血不隨雖起發而貫必不周血至而氣不至雖潤澤而毒終不透故治此者有不可不兼顧也

辨虛實寒熱八

一察痘之要惟在虛實二字蓋實者邪氣實也邪實者宜清宜瀉虛者血氣虛也血氣虛者宜溫宜補且痘本胎毒非藉元氣不能達非藉元氣不能收故凡欲解毒清火亦須憑藉元氣使元氣無力則清亦不能清解亦不能解設有不去尙能堪此清解否此痘瘡之終始皆當斟酌元氣爲主

一痘瘡表實裏虛者必易出難靨表虛裏實者必難出易靨若表裏之氣俱克實其瘡必易出易靨故凡自始出以至十日之外外則渾身壯熱內則飲食二便俱如常此卽表裏俱實者也其瘡必光澤起發且易收易靨也

一表裏各有虛實○凡表虛者或惡寒或身不大熱或寒熱往來四肢厥冷或面青色白多汗惡風或怠惰嗜卧或痘色灰白頂陷不起發不光澤或色嫩皮薄痒塌或如水泡摸不碍

手或根窠不紅或倒靨不能結痂脉必浮細而弱是皆表虛
 之證治宜溫補陽分○裏虛者凡痘瘡已出未出之間有為
 吐瀉嘔惡或喜熱飲食或為少食不思飲食或食亦不化或
 為二便清利為溏瀉為不渴為氣促聲微為神昏多睡為腹
 膨噎氣為吞酸為脉弱無力是皆裏虛之證治宜溫補陰分
 表實者為身體壯熱無汗為面赤唇紫頭疼身痛眼紅鼻塞
 皮焦膚赤手足熱甚為痘色紅紫掀腫疼痛為皮厚而硬為
 癰腫斑疔為脉浮洪滑大是皆表實之證治宜清解表邪○
 裏實者為二便秘結胸膈脹滿為唇燥咽乾目瘡舌黑為大
 渴欬嗽痰涎喘粗為煩躁驚狂聲高譎語為脉沉數洪滑是
 皆裡實之證治宜清解裏邪

張翼之曰吐瀉少食為裏虛陷伏倒靨灰白為表虛二者俱見
 為表裏俱虛用異功散救之甚至村附靈砂亦可用若能食

便秘而陷伏倒壓者爲裏實輕則射于瀉糞于湯重則前胡
枳殼湯下痘多血能食者爲裏實若實其裏則結癰毒紅活
縱突爲表實若補其表則潰爛不結痂

痘瘡表裏皆有寒熱熱則陽證寒則陰證寒則血氣凝澁而
不章熱則血氣淖澤而不斂然熱證多實最忌芪未桂附及
諸熱燥之物若元氣虛弱者卽有熱證總不可執爲實熱寒
證多虛最忌苓連梔柏及諸苦寒之物雖形體強盛但見虛
脈虛證總不可認作有餘

表寒者不起發不紅活根窠淡白身涼癢塌倒陷乾枯皆肌
表無陽之證治宜補陽溫表

裏寒者爲吐瀉爲嘔惡爲腹脹爲腹痛爲吞酸爲不欲食爲
寒戰咬牙氣寒喜煖爲二便清利完穀不化皆臟腑無陽之

證治宜溫中補陽

表熱者爲肌膚大熱根窠紅紫頂赤發斑頭面紅腫紫黑焦
枯癰腫疔毒痛甚皆火在肌表之證治宜散邪解毒

裏熱者爲煩躁狂言口乾大渴咽腫喉痛內熱自汗小便赤
澀大便秘結衄血溺血皆火在臟腑之證治宜清熱解毒

一虛實寒熱等證雖表裏之分各有如此然表之虛實表之寒
熱孰不由中氣之所使故惟善治中氣則未有表不和調者
也是卽必求其本之道

一純陰無陽之證凡痘瘡發熱手足却宜和緩若手足厥冷必
其人曾有吐瀉脾臟氣虛也脾主四肢所以冷爲惡候卽有
外證亦不可單用發散反損脾胃之氣此當溫中兼表宜黃
芪建中湯或六氣煎五物煎加防風羌活生薑荆芥之類以
補養脾胃血氣而助痘疹之成就也

部位吉凶力

一 五臟之屬皆見於面故但察部位可知吉凶蓋人之面部左
頰爲肝右頰爲肺額上爲心頰下爲腎鼻爲脾土又目爲肺
之竅鼻爲肺之竅口爲脾之竅耳爲腎之竅舌爲心之苗若
痘疹未出之先但得面中諸部明潤者吉燥暗者凶又山根
爲命宮年壽爲疾厄宮此二宮紅黃光明者吉青黑昏暗者
凶

一 三陽之脉皆會於面止額爲太陽脉之所會唇頰爲陽明脉
之所居兩耳前後爲少陽脉之所過痘爲陽毒故隨陽氣而
先見於面惟陽明經乃胃與大腸積陳受腐血氣俱多之處
故痘疹初發但於本經口鼻兩傍人中上下腮頰年壽之間
先出現者爲吉如太陽經則水火交戰之處少陽經則水火
相并之鄉若於其位先現者凶凡起漿收靨亦皆如是
一通身部位皆有所辨如頭爲諸陽聚會之處兩頰兩頰爲五

臟精華之腑咽爲水穀之道路喉爲呼吸之關門胸腹乃諸陽受氣之海爲心肺之所居脊背乃諸陽之統會爲十二經藏氣之所繫凡此五處稀少者吉○若頭額多者謂之家頭頸項多者謂之鎖項胸前多者謂之瞞胸蒙頭則陽毒亢真陰竭鎖項則出入廢氣化絕瞞胸則心腹逆神失守兩頰兩頤多至成片或如塗朱則肝盛尅脾凡此者至八九日間多見滑泄瀉青或不能食最爲險候故皆不宜多也惟四肢雖諸陽之本然乃身所役使卒伍卑賤之屬故雖多亦不致害凡起發成漿收靨俱如此也○又心窩手足心謂之五心痘俱多者必重若頭面胸項手足細碎稠密一樣者恐氣血衰微脾胃虛弱不能周流灌注則無不危矣

痘形痘色吉凶十

萬氏曰形乃氣之克色乃血之華凡看痘者舍此更無他法是

故形貴尖圓起發若滄皮厚硬而平塌者凶色貴光明潤澤
根窠紅活而慘黯昏黑者凶然形有起發而或致變者由色
不明潤根不紅活故耳若痘色光澤根窠紅活雖平塌亦為
可治然色以紅活為貴而猶有圈紅暝紅舖紅之別圈紅者
一線淡紅緊附于根下而無散走之勢吉之兆也暝紅者血
雖以附而脚根血色隱然不聚險之兆也舖紅者痘色與肉
不分平舖散漫凶之兆也以此察之則死生可預決矣。根
窠者血之基膿者血之成故六日以前專看根窠若無根窠
必不貫膿六日以後專看膿色若無膿色必不結痂此必然
之勢也

吉證十一

一看口唇舌尖紅活無疑白之色者吉

二看根窠紅潤圓活地白分明者吉

三看心窩額上稀少者最爲順候

四看痘頂出來不焦不紫者吉

五看顏色無黑陷痘頂內暗而黃如蒼蠟色外潤而黃如油色者吉

一凡看痘之法須察部位并察多寡大抵痘少者毒少而吉痘多者毒甚而凶如上而頭面次而咽喉前而胸腹後而腰背下而四肢凡此五處但得二三處稀少而頭面別無危證卽吉候也若五處通身皆密卽雖顆粒分明恐氣血不能周給必難盡貫或旣貫而不能收或旣收而不能脫客強主弱而外盛內虛小舟重載而力不勝在鮮不覆矣此多寡之宜察勿謂雖多亦吉也

凶證十一

痘未出而聲啞喉喉者不治已出五日内見者亦不治

海未壯而先抓破無氣血者不治

痰涎壅盛氣急者不治

痘未出已出而神昏氣促躁亂不寧者不治

腹痛而瀉膿血者不治

肌肉黎黑如被杖者不治

漿水米粒不入口或飲食噎喉者不治

眼內黑珠起浮油混睛者不治

眼中神光不明珠色轉綠轉赤者不治

閉目昏腫舌捲囊縮者不治

頭溫足冷悶亂飲水者不治

吐瀉不止藥食不停不化直下及肛門如竹筒者不治

胃熱發黃身如橘色下利者不治

痘初出即青晦焦黑者不治

長生全書 卷之四十三
密如蚕種全不起發平片花搭者不治

痘瘡癢癢寒熱不止者不治

舊有瘡瘍走漏氣血而敷藥不效者不治故曰不怕五心有痘
只怕原瘡泄漏原瘡卽是未痘之先有瘡泄去膿血最爲凶
也若果五心稀少而飲食如常者亦不妨事

痘後傷風傷食肌肉瘦脫者不治

右除此之外雖有集證險證及痘之稠密但畧有潤澤興起
之意須仗醫之高妙患家之心託弗惑細心調理自有可收
全功者

怪痘形證十三

怪痘者乃逆痘中之尤甚者形證不一不可不辨

一痘初出時面胸手足已見紅點却不起發不成膿漿隨即收

斂若加氣促聲啞悶亂者卽死此名內陷證也。此證若無

煩喘悶亂等候者名曰試痘過五七日後必復發熱而痘出者其痘必重

一痘瘡初出如蚊蚤所咬三日後反不見者名及關痘五日死
一痘子出現三兩成叢根脚堅硬成塊者此名痘母六七日死
一痘子將出身上有紅腫結硬處似癰非癰似癰非癰者亦名痘母三五日死○以上二證俱宜真人解毒湯救之

一痘初出便成血泡或水泡隨即破壞者此名爛痘二三日死
一痘出後遍身都是空殼不作膿水者此名空痘八九日死

一痘當出現起發之時中有乾黑者此名鬼痘宜用臙脂水塗之勿使蔓延若不急治則乍起乍癢當醫不醫或多作番次而出綿延日久而死

一痘出起發之時中有痛甚如刀割叫哭不停者此名痘疔五

六日死

一痘當起發之時枯燥不潤癆伏不起皮膚皺揭者此名乾痘
五六日加煩滿喘急而死

一痘於起發之時皮嫩易破摸之溫手者此名溫痘六七日癢
癆而死

一痘起發之時瘡色嬌艷皮薄光潤鮮紅可愛者此名嫩痘八
九日後不能成痂必痒癆而死

一痘於起發養漿之時瘡頭有孔漿水漏者此名漏瘡五六日
後痒癆而死

一賊痘者是諸痘未漿而此痘先熟也又名假雲泛多在太陽
喉口心胸等處三日見者六日死四日見者七日死五六日
見者十日死一日必死也

一痘出雖登重巢全白無血色三四日後雖亦起脹然按之虛
突此亦血氣虧賊痘氣血太虛至灌漿時必變成水泡大如葡萄

舊皮薄若紙抓破即死

一膿水將成之時其瘡自破有孔而深者此名倒陷

一將靨之時不能成痂皮脫骨黑者此亦名倒陷但不治

一痘於收靨之時不能成痂皮肉潰爛膿水淋漓者此名痘癩能食則生不能食則死○此以上者皆不治之證

死證目數歌十四

初出頂陷連肉紅過至九日一場空又如血點帶紅紫班證只在六日中發班黑者在朝夕班青頃刻去匆匆無膿痒瘍期二日不治腰疼及拗胸報痕似癩如蚕種舌捲囊縮命不克紫泡刺出黑血者飲食嗾喉證俱凶難療面腫痘不腫青色黑陷及無膿二便流利下腸垢更有吐瀉出虬虫頭溫足冷好飲水痘先驚後藥難攻氣促泄瀉渴不止目無神者數當窮聲啞失音叫與哭痘色縱好也難終有種氣急亦難治庶

幾貫好是傷風見 此宜服參蘓飲起死回生須見功

發熱三朝辨吉

十五

一初發熱時身無大熱或熱或退神清氣爽唇鼻滋潤腰腹不疼自始至終皆飲食如常大便稠實小便清利而無雜證者吉不必服藥

一初熱時先發驚搐一二次而隨止者此痘出心經也乃為吉兆不必治之若甚驚不止日發三五次或連日不止痘出多而密者乃凶兆也

一初發熱時吐瀉不甚而隨止者吉

一正發熱時或得大汗一身汗隨止而脈見稍平者吉

一初發熱時用紅紙條蘸麻油點照之如心窩或遍身有成塊

約者八九日後決死

一發熱一日即遍身皆出或稠密如蚕種摸之不得手者決死

一發熱時腹中大痛腰如被杖及至報痘而痛猶不止者決死
一發熱時頭面上有一片紅如胭脂者八九日以後決死
一發熱時口鼻或大小便俱失血者決死
一發熱時妄見妄語昏不知人者死
一發熱時腹脹而痛大叫不止者死
一正發熱三日之內其熱忽退而友煩躁悶亂坐卧不安此外雖清涼內却熱也若見手足冷腹脹氣喘者即死○以上諸證俱不必治

報痘三辨吉凶十六

一見點之時頭面稀少胸前背上皆無根窠紅潤頂突碍手如珠光澤此為上吉不必服藥

一發熱三日或四五日熱稍退乃於口鼻腮頤地閣頸項之間或四肢先放數點大小不一淡紅潤色痘與肉色紅白分明

者吉

一痘作二三次出三日後手足心方纔出齊出齊後頭面胸皆稀少尖圓緊實飲食二便如常者吉如無他證不宜妄行用

藥

痘之初出三五相連者必密單見者必稀

一痘瘡上身多下身少者吉反是者險

一發熱至五六日痘應出不出以燈照之只在皮膚中有紅點

一但其色脉和平別無逆證忽然眩暈大汗出者毒氣痘瘡一

齊從汗而出者此名冒痘再無壅遏之患乃吉兆也○一痘

瘡變化莫測有等身無大熱亦見報痘但不貫膿結痂或出

而復沒者此名試痘不可誤作輕看再過數日忽然大熱必

然復出宜審治之

一發熱一日便出者凶或一齊湧出如蚕種密布者決死

一 大熱未退而見紅點數粒先見於太陽額角髮際天庭或山根以上等處此陽毒乘虛上侵陽位也大非吉兆再加日紅唇裂痰鳴色紫或白者大甚又或有三五粒聚於一塊者此名銅錢痘皆不吉之兆急宜涼血解毒以防其危

一 痘瘡初出紫色紅片者名紫雲痘四日死

一 痘瘡初出當頂紅者六七日死蓋痘欲淡紅如線附於根下不欲當頂紅也

一 痘已出一遍又出一遍心腹疼痛不止口氣臭色紫黑者決死

一 痘瘡皮薄色白而光根窠全無紅色或根帶一點紅三五日後仍如綠豆樣此痘決不能成膿只成一胞清水擦破即死

一 色紅帶艷皮肉盡紅者必不成膿痒塌而死

一 報痘之時全不起頂有如湯泡及燈草火燒者十餘日後必

痒瘍而死

一報痘之時有黑斑如痣狀或肌肉有成塊黑者卽死

一報痘時若口鼻及耳有紫紅色或血出不止者決死

一報痘之時應出不出或起紅斑如蚊跡者六日後必死

一報痘之時腰腹痛或狂言煩躁大渴吐瀉不食者俱不治

一報痘之後痘已齊而身熱不退反甚者死

一痘齊之後毒已外達則內當安靜而反見煩躁悶亂譫妄不

止者此邪毒盛極神機無主也必死

起發三朝辨吉凶十七

自報痘三朝之後不疾不徐先出者先起後出者後起大小分

明不相連串尖圓堅實紅活肥滿面目漸腫依期灌漿飲食

二便如常而無他證者此表裡無病大吉之兆不必服藥

一痘雖起發而色見灰白腫如錫飲者皆其人臟氣何如如能

食便調無他證者七日若不能食或吐利或癢痒者凶

一痘起一分則毒出一分至五六日不盡起發又色不紅活者大無生理

一起脹三日已足痘皆滿頂紅紫者凶面目腫甚者亦凶

一痘當起脹之時遍身雖起而頭面全然不起或痘不脹而肉

脹頭面皮肉紅腫如瓠瓜之狀而痘反不起者決死

一起脹之時遍身痘頂有眼如針孔紫黑色者決死

一痘色乾燥不潤慘黑不明或灰白漸至侷陷或發紫泡者皆

死

一起脹時凡腰腹大痛或腹脹不能飲食或氣促神昏或問亂

不寧或泄瀉煩渴或唇白痰鳴或狂言妄語啼哭呻吟如見

鬼神者皆死

一起脹時吐利不止乳食不化或二便下血者死

一手足間見而復隱起而復翕或通身隨脹隨沒躁而發端者死

一痘已起脹內有六七粒細而成塊於中有一大痘扁潤歪斜者凶

一痘起紫色刺出黑血如屋漏水者死

一痘於起發時瘡頭便戴白漿者不分何處並非佳兆不特唇口然也

貫膿三朝辨吉凶十八

一痘自起發之後小者漸大平者漸高陷者漸起外帶微紅內涵清漿以至貫膿之時却要箇箇成膿根腳紅活其形圓滿光澤此時毒化成漿由綠色而漸變蒼蠟以手按之其皮堅硬膿漿厚濁約束完固無少破損飲食一便如常此上古佳也不必服藥

一痘密者自起至漿漸至壯大未有不相串者雖相連屬只要根腳分明陷者盡起無處不透則毒從漿化膿成而毒自解無伏雷者矣此亦吉候

一痘之初出或頂平或中心陷下或白色只要其人能食二便如常治無垂謬以及貫膿之時陷者微起平者微尖淡白者紅活窠中血水盡化爲膿但得如此毒已解矣又表無痛癢之證裡無吐瀉之證是表裡俱無病也如此者坐待收靨不可妄投湯劑

一貫膿時紅紫黑色外剝聲啞者死

一貫時純是清水皮薄而白如水泡者三四日必抓破而死

一膿不能貫而乾枯焦黑或全無血水瘍陷者即死

一頭面腫大瘡盡搔破臭不可近而是冷者决死

一貫膿之時吐利不止或二便下血乳食不化痘爛無膿者决

死

一貫膿之時二便不通腹脹肉黑發斑謔妄氣喘或寒戰咬牙者決死

一回漿之時漸當蒼黑收斂而反光嫩不斂者此氣血兩虛漿不能乾必發痒搔破而死

一膿漿未成忽然乾收或青紫焦黑者死
一忽然作痒正面抓破皮脫肉乾者死

一諸痘有漿而天庭不起或額上如沸湯澆破臭連兩頰水去而乾似靨非靨者死

結靨三朝辨吉凶十九

一痘至十日之外血化毒解膿必漸乾如蒼蠟色或如葡萄色從口鼻兩傍面部收起以至胸腹而下然後額上與脚背一齊結靨而落別無內證飲食二便如常或從手足心手指尖

或陰上先收者俱吉候也

一痘既瘡蠟收靨而身有微熱者乃燒癩之證但飲食如常俱不必治

一痘當靨時遍身臭爛目無神氣者決死

一當靨之時遍身發痒搔破無膿皮捲如豆殼而乾者決死

一當靨之時無膿而氣急聲啞或手足顫掉或寒戰咬牙或腹脹痰响或足冷過膝或小便少而大便頻者皆死

一當靨時兩臉乾硬按之如石者死

一疔至收靨飲食不進口中常如食物動而不止者死

一面部胸腹未靨而腳先靨者危陰勝陽也

一遍身俱靨內遺數粒獨不靨者尚能殺人如蛇之退皮中有

一節被傷不能全退者終死其有靨至項下或至胸住定而

服藥不效者亦死

一痘瘡

該靨而卒然焦紫者死

一痘當靨時遍身未見膿成而口唇上下痘先黃熟者毒氣內攻於脾也凶

一痘疹

有膿結靨者則為吉證若無膿收靨則立見其危

一痘未收靨

而口唇腐爛及口白到舌者危

一收靨時前後有紅紫泡者不治

落痂後辨吉凶二十一

一痘瘡

收後其痂先後自脫痂厚落遲離肉不粘者吉

一白食

痘痂者雖有他證不死

一痘痂

雖落而痘瘢雪白畧無血色者氣血脫也若不急醫

元氣

則過後必死

一痂落

後每發驚而神無所依者心氣絕也危

一痂落

後手足顫掉咬牙噤口目閉腹脹足冷過膝者不治

一原痘乾燥膿少不豐雖結靨落痂而色白者或有餘熱不足者雖過一月亦要痊

痘瘡上論列方二十一

真人解毒湯痘五二

會稽 張介賓 會卿著

會稽 魯 超 謙菴訂

痘瘡

總論治法二十二 共十九條

瘡一證順者不必治逆者不能治所當治者惟險證耳何爲
 險證如根窠順而部位險部位順而日期險日期順而多寡
 險多寡順而顏色險顏色順而飲食險飲食順而雜證險雜
 證順而治療險治療順而觸穢險然猶有最險者則在元氣
 與邪氣邪氣雖強元氣亦強者無害只恐元氣一餒邪氣雖
 微者亦危設或犯之而不爲速治則順者不順而吉變爲凶
 痘凡此數者皆痘中之要領所當詳察詳辨也故凡欲治痘

必須先識死生辨虛實審寒熱明此六者則盡之矣

一治痘之要惟邪氣正氣二者而已凡邪氣盛而無制者殺人

正氣虛而不支者殺人及其危也總歸元氣之敗耳使元氣

不盡則未必至死凡治此者但知補瀉二字而用之無差則

盡善矣故補瀉難容苟且毫厘皆有權衡必不可使藥過於

病必不可使藥不及病是以善用攻者必不致伐人元氣善

用補者必不致助人邪氣務使正氣無損而邪氣得釋能執

中 and 斯爲高手然執中之妙當識因人因證之辨蓋人者本

也證者標也證隨人見成敗所由故當以因人爲先因證次

之若形氣本實則始終皆可治標若形質原虛則開手便當

顧本若謂用補大早則補住邪氣此愚陋之見也不知補中

卽能托毒灌根卽能發苗萬無補住之理是以發源之初最

當着力若不有初鮮克有終矣此可與智者言不可與庸人

道也

一治痘不宜遲凡痘瘡之有不同者無過寒熱虛實四證大都寒則虛熱則實虛寒則宜溫補實熱則宜清解然其挽回之力當於三五日前治之過此則恐無及若七日之後毒發於外外不足則外剝而死者毒發不盡則又內傳內不足則內攻而死故治痘有時時之不可失也有如此倘初時不慎則後來之禍從此伏矣

一解毒當知表裏所謂毒者火毒也所謂解毒者求其所在而逐之也蓋痘瘡之發內則本於淫火外則成於風邪內外相觸其毒乃發故其發也不甚於內則甚於外甚於內者以火邪內盛而熾焰於外也甚於外者以寒邪外閉而鬱火於內也故但察其無汗外熱而邪在表者則當疎之散之使熱邪從外而去則毒亦從外而解矣若察其多汗內熱而邪在裏

者則當清之利之使熱邪從內而泄則毒亦從內而解矣其
有內熱既甚而表邪仍在者則當表裏相參酌輕重而兼解
之則邪必皆散矣若邪不在表則必不可妄兼發散以攻表
氣愈虛而痘必終敗其證則身有汗而外不甚熱者是也若
毒不在裏則必不可兼用寒涼以致中寒脾敗而毒必反陷
其證則口不渴而二便不秘者是也知斯五者則解毒治實
之法無餘蘊矣此外有虛邪虛火等證則當先酌元氣次察
邪氣無使失中流顧本不及則尤爲切戒○凡云痘毒者
痘必自內而達外但得出盡則內無毒但得化盡則外無毒
既出既化而不使復陷則毒盡去矣故或宜散表或宜托送
或宜清解或宜固中而治法盡之矣

一補虛當辨陰陽凡痘瘡血氣各有所屬已見前氣血條中然
痘之所主尤惟陰分爲重何也蓋痘從形化本乎精血凡其

見點起脹貫漿結痂無非精血所爲此雖曰氣爲之師而實血爲之主且痘以陽和陽盛必傷陰所以凡治痘者最當重在陰分宜滋潤不宜剛燥故曰補脾不若補腎養陰所以濟陽此秘法也然血氣本自互根原不可分爲兩如參芪白朮之類雖云氣分之藥若用從血藥則何嘗不補血歸芎地黃之類雖云血分之藥若用從氣藥則何嘗不補氣故凡見氣虛者以保元湯爲主而佐以歸地血虛者以四物爲主而佐以參芪蓋氣血本不相離但主輔輕重各有所宜而用之當否則明拙自有差耳

一治痘有要方茲表而出之以便擇用其有未盡當於各條求之

凡解表諸方乃初熱時所必用者諸家皆以升麻葛根湯爲首程氏則用蘓葛湯似爲更妥余則常用柴歸飲以兼營衛

似爲尤妥此當隨宜擇用○營虛表不解者五柴胡飲○陽氣虛寒表不解者柴葛桂枝湯○元氣本壯而表不解者疎邪飲或加減參蘓飲○寒氣勝而表不解者五積散或麻黃甘草湯

凡清火解毒諸方所以解實熱也如欲解毒清火而兼養氣者惟四味消毒飲爲妙鼠粘子湯亦佳○熱毒兩盛而不化者宜搜毒煎○煩熱作渴小水不利者導赤散六一散○血熱赤斑煩燥多渴者犀角散○熱在陰分而失血者玄參地黃湯○肉熱不清者東垣涼膈散○二便俱不利而火盛於內者通關散○熱毒內蓄小水不利而爲丹爲癰者大連翹飲○煩熱多驚而神不安者七味安神丸○熱毒內甚而狂妄者退火丹

凡表裡兼解諸方如內外俱有熱邪者宜柴葛煎或柴胡麥

門冬散○裡邪甚而表邪微者解毒防風湯○表裡俱有邪而元氣兼虛者實表解毒湯○表裡俱實熱者雙解散

凡托裏諸方有宜專補元氣者有宜兼解毒者如氣血俱虛不起者六物煎或托裡散○虛寒不達兼托裏表者參芪內托散或十宣散○氣分虛寒不透者六氣煎○氣血俱虛微熱不起者紫草快斑湯

凡諸補劑皆痘中元氣根本祛邪托毒者之所必賴但見虛邪必當以此諸方爲主○氣分不足者調元湯○氣虛宜溫者保元湯六氣煎○氣虛微熱宜兼涼解者參芪四聖散○血虛者四物湯芎歸湯○血分虛寒宜溫者五物煎○血虛血滯者養血化斑湯○血虛血熱宜兼解毒者涼血養營煎○氣血俱虛者六物煎八珍湯十全大補湯○氣血虛寒大宜溫補者無如九味異功煎六味回陽飲卽陳氏十一味木

香散十二味異功散但虛寒而兼氣滯者宜用之欲賴補虛大有不及

凡攻下諸方亦痘中所不可無惟必不得已然後用之勿得視以爲常也○血虛秘結大便不通者因順清涼飲○裏實多滯秘結者前胡枳殼湯○表裡俱實大便不通者柴胡飲子○血熱便結毒盛者當歸丸

凡痘出已盡內無不虛蓋隨痘而爲托送者皆元氣也使於此時不知培補化源則何以貫漿何以結痂何以收靨倘內虛無主將恐毒氣復陷無不危矣若痘之稀疏者氣血之耗猶爲有限若痘之多而甚者其氣血內虧必更甚矣此不可不預爲之防也

平順之痘毒原不甚既出之後內本無邪此輩原不必治無奈父母愛子之切日不識病之輕重故必延醫診視既延醫

至無不用藥既已用藥無匪寒涼在彼立意不過曰但解其
毒自亦何妨不知無熱遭寒何從消受生陽一拔胃氣必傷
多致中寒泄瀉猶云協熱下利更益苓連最可恨也又如痘
瘡初見發熱每多不審虛實止云速當解毒凡於十日之外
多有泄瀉而致斃者皆此輩之殺之也寃哉寃哉余見者多
矣故筆諸此以爲孟浪者戒

一痘在肌肉陽明主之故自出齊以後最不宜吐瀉與其救治
於倒陷之後孰若保脾土於未壞之先故凡生果茶木之類
皆宜慎用而寒涼之藥尤不可不慎也

一治痘須辨其證大都濕多則泡血熱則斑氣不足則頂陷血
不足則漿毒不附裏實太補則生癰毒表實太補則不結痂
裏虛不補則內攻而陷表虛不補則外剝而枯但使周身氣
血活潑無碍則雖密亦不難治故惟貴得中勿使偏勝則寒

熱虛實自無大過不及之患期足云盡善矣

秘傳治痘之法首尾當以四物湯為主隨證加減用之惟肚腹不實者須遠當歸但將全劑通炒微焦則用自無碍且復有溫中煖脾之妙

一首尾皆忌汗下此先哲治痘之心法蓋妄汗者必傷陽氣傷則凡起發灌漿收靨之力皆失所賴此表虛之爲害也妄下者必傷陰氣陰氣傷則凡臟腑化源精神鎖鑰飲食倉廩皆爲所敗此裏虛之爲害也然表虛者猶賴裏氣完足以克之裏虛則根本內潰衛氣亦從而陷無策可施矣故古人深以汗下爲戒誠至要之旨也然此以常道爲言非所以應變者設遇外感寒邪腠理閉密其出不快其發不透者若不用辛甘發散之劑以通達腠表則痘有壅遏之患矣又若有大小便秘結而毒有留伏不達者不與苦寒泄利之藥以

疏通臟腑則有脹滿煩燥焦紫黑陷等患矣故當察其虛實
審其常變當汗則汗當下則下中病則已無過其制若無汗
下之證則必不可妄用汗下以賊人之命也務得其宜然後
謂之明醫而禍自有歸矣

一萬氏曰解其火毒恐鬱遏而乾枯養其血氣欲流行而舒暢
按此說誠善然所謂火毒者以實熱為言若火有虛實真假
則不得槩認為火毒

程氏曰痘瘡出自六腑先動陽分而後歸陰經其本屬陽故多
發熱而陰血虛耗者多也首尾當滋陰補血為主不可一毫
動氣貴從緩治所以白朮半夏之燥悍升麻之提氣上衝皆
不可輕用也且痘瘡多有血熱者故宜用四物加芩連之屬
以養其陰而退其陽也

程氏曰痘毒根於淫火必因歲氣傳流而發故多兼表證則內

外交攻此時若不用輕揚之劑祛風散邪淡滲解毒之藥利便退熱則外邪內火何由得解邪既不解則痘何由得善此治之不容已也然治之之法必須審兒形色察兒虛實因證用藥庶獲神效世之醫者多宗錢氏清涼解毒之論或按陳氏辛溫發散之方主見不同致誤多矣殊不知痘疹色灰白不起發根窠不紅活此皆虛寒必宜陳氏方救之苟非理明於心鮮不眩惑故必熱則涼之寒則溫之虛則補之實則瀉之何患乎疾之不愈耶

程氏曰治痘之要始出之前宜開和解之門既出之後當寒走泄之路落痂之後清涼漸進毒去已盡補益宜疎

程氏曰凡治痘前後須加木通以瀉熱邪自小便中出不使攻胃今無變黑之證七日之後熱退者少用之○凡痘瘡前後總有危證萬勿用天靈蓋腦射之屬救之蓋毒出一步則內

虛一步血氣運一日則內耗一日豈可復用辛香耗氣之劑
雖佛倖偶中後必有餘害也是可見王霸之殊相去遠矣

程氏曰凡婦人有孕而出痘者以安胎爲主氣虛者保元湯血
虛者四物湯或加白朮黃芩砂仁陳皮必使胎氣無損爲主
程氏曰桂巖鄭先生云痘者象其形而名之也愚謂不獨象形
而名而治之之法亦猶農家之種豆也豆之爲物土實則難
出土瘠則難長故實者鋤耨之瘠者灌沃之不實不瘠惟順
其性不使物害之而已知此則可以語醫矣今人於痘初起
不察虛實寒熱或過用木香散異功散之類則以火濟火致
變紫黑倒陷癰毒吐衄者有之或妄用芩連梔栝寒涼之藥
則大傷脾胃爲吐爲瀉爲寒戰內陷者有之故凡治痘之法
六日之前不宜溫補亦不宜妄用寒涼師云凡解毒之內界
加溫補溫補之中畧加解毒此不傳不刻之秘訣也若六日

已後毒已盡出於表當溫補而不溫補者膿不得壯而癢瘍
寒戰之患必所不能免矣

熱證論治 二十三 共十一條

古云痘疹之病皆由父母胎毒伏於命門相火之中故每遇二
火之令或主客溫熱之氣卽觸發而動此痘疹屬陽固無疑
矣然陽毒陽邪無熱不成亦無熱不散所以非熱不能出現
非熱不能起發非熱不能化漿非熱不能乾漿此痘瘡之終
始不能無熱亦不可無熱也但熱貴其微不宜其甚蓋熱甚
者毒必甚而痘亦必重熱微者毒亦微而痘出必輕無熱則
不成不化此熱固痘之常也所以凡治痘瘡不可盡除其熱
若必欲盡去之則未有不成陰證而敗者矣

痘有二火蓋痘疹一證皆言爲火者是矣然軒岐之火義有
三日太過曰平氣曰不及也太過之火是謂赫曦炎烈之氣

也其毒甚治宜清解平氣之火是謂升明蕃茂之氣也其毒平不必治之不及之火是謂伏明屈伏之氣也其毒陷治宜培補此陰中有陽陽中有陰之大義而亦痘疹萬病之法旨使不知此尚敢云醫

治熱當知微甚及有毒無毒斯無謬誤蓋痘疹屬陽無不發熱若外雖發熱而內則不渴或飲食二便如常此蒸痘之熱耳熱雖在表面而內則無病萬萬不可妄治其有熱之甚者痘毒必甚此不得不爲調理若甚於發熱之初必爲之表散若甚於見點之後必爲之清解錢氏曰熱甚而大小便閉則利之如果有熱毒實邪則不得驟用補陽等劑致令毒氣壅盛則熱終不退反爲害矣

假熱非熱假寒非寒見有不真誤治則死如文中主溫補停陽主涼瀉雖若各有所主然無非因病而藥各有所宜是以

二者皆不可偏用但得中和斯爲貴耳余見近日幼科多不知陳氏之心法但見痘瘡則無論是虛是實開口止知解毒動手只是寒涼百證千家若同一轍豈必盡皆實熱乎如實熱果真自非涼瀉不可然必因外俱熱方是熱證內外俱實方是實證但其中有似實非實似熱非熱者最多此不可不察之真而審之確也故凡見外證雖若實熱而內察則無如口不甚渴二便通利或見微澹或稟賦素弱或脉息不強或聲色不振或寒氣多陰或飲食不化或脹滿嘔惡或吐衄或倦睡或畏寒或作癢或多驚恐或筋惕肉瞤之輩雖見有熱此皆熱在表而不在裏總屬無根之火非真熱證也最忌寒涼若執而妄用則必致敗脾無一免矣

一痘瘡熱甚者毒之盛也其痘必多熱微者毒亦微其痘必少○痘既出而熱不減者痘必日增見點後而熱漸退者痘必

疎矣○或有微熱而痘反密者其內熱必甚而或見煩躁或
二便熱燥此毒深熱亦深也宜清其內而兼解其表○或有
熱甚而痘反稀者以外雖熱而內則不熱此毒淺熱亦淺也
一痘瘡初熱治法詳發熱三朝治法條中

一治陽邪實熱之法○表裡挾邪俱熱者柴葛煎連翹升麻湯
○表熱不解而裡無熱者疎邪飲蘓葛湯柴歸飲○表裡俱
熱而邪實者雙解散○內熱毒盛者東垣涼膈散或解毒防
風湯○熱毒熾盛痘瘡紫赤煩燥者搜毒煎或大連翹飲或
犀角地黃湯○陰虛血少燥熱神昏者四物湯或二陰煎○
陰虛血熱而大便不通者四順清涼飲○大便不通實熱內
壅而胸膈脹悶者前胡枳殼湯或三黃丸○二便俱不利而
實熱內滯者通關散○小水赤澀而邪熱內蓄者導赤散六
一散○心火盛而驚搐多痰者萬氏牛黃清心丸或七味安

神丸○痘瘡稠密身熱毒盛養營退熱解毒者鼠粘子湯柴
胡麥門冬散

一純陽無陰之證凡發熱譫語狂妄燥亂大瀉大煩如見鬼祟
大便秘結小便赤澀六脉滑數急疾是皆火毒內熾之證當
用前法酌而治之

陳氏口凡痘疹壯熱經日不除如無他證只用六味柴胡麥門
冬散治之如不愈服七味白朮散○凡身壯熱大便堅實或
口舌生瘡咽喉腫痛皆瘡毒未盡也用射于鼠粘子湯如不
應用七味人參白朮散

程氏曰痘瘡前後凡有燒熱不退並屬血虛血熱只宜四物湯
按證加減渴加麥門冬犀角汁嗽加瓜薈霜有痰加貝母橘
紅切忌人參白朮半夏之屬倘誤用之爲害不小蓋痘瘡屬
陽血多虛耗今但滋陰補血其熱自退此卽養陰退陽之義

也

一痘後餘熱發熱證治俱詳痘後餘毒條中

發熱三朝治欵二十四

痘疹一證雖原於有生之初然必因時氣相觸內外挾邪而後
作凡痘之輕重已兆於發熱之微甚而吉凶於此亦可判矣
毒輕者易出易靨固不必治毒甚者險證百出故不得不治
凡治此者於初熱時急宜用輕揚之劑汗以散之但使外感
之邪臟腑之毒皆作穢汗盡從毛竅中出則毒氣已減其半
而重者可輕危者可活矣卽如痘中一切變證亦無非毒氣
欲出不能之所爲一經表散則毒從汗去而諸證亦必自退
然又當察表裡之輕重或宜解表或宜清裡或宜托助元氣
孰者宜急孰者宜緩有不可執一也故胡氏曰表熱壅盛非
微汗則熱不解裡熱壅盛非微利則裡不解矣此不治則毒

氣漸盛而逆證隨見矣

一散表之法當知邪之淺深毒之微甚表邪甚者微散之則表不能解無益於事表邪微者妄汗之則表氣必虛痘不起發而反爲大害故惟以得中爲貴亦以微汗爲貴不可過傷衛氣也其有大熱不退肌膚秘密或氣令寒凝之時則不得不大爲表散一散未應或至於再必令身熱由汗而退則毒氣自解可無患矣此散之微甚有權且也故凡是痘證最畏內外之寒氣務使表裏溫煖但得毛竅中常見津津潤澤亦猶庖人吹籠之法但欲其鬆則皮膚通暢氣無不達痘必易出易收無不善矣

一痘瘡發熱之候宜乍熱乍涼者爲常若遍身如火晝夜不休爲失常也此當察其表裏酌宜施治

一痘瘡初見發熱若無虛寒等證固不得驟用溫補以助火邪

恐致鼓漏痘毒則反資大害若無實火大熱等證切不可
其發熱妄用寒涼必致敗脾泄瀉則爲害尤甚此時醫之通
弊也大宜戒之

一既經表散之後須謹避風寒若使外邪再感則皮毛閉塞熱
毒必將復熾汗而再汗必不能堪又須切戒生冷水果若服
犯之恐寒濕傷脾而爲泄瀉不食則無不致害

一表散之劑凡初見發熱狀類傷寒未知是痘非痘卽當先用
汗散七取欲散表邪卽當兼調宮氣宜以柴歸飲爲第一惟
人便不實者勿用之以其性多潤也其次則蘓葛湯再次則
升麻葛根湯或只用加減參蘓飲亦佳○若冬月寒勝之時
或氣體壯實表不易解者須加麻黃必要表出一身臭汗爲
佳但使熱退身涼苗則輕矣○若初發熱有惡寒身振如瘧
之狀者陽氣虛也宜柴葛桂枝湯加黃芪主之痘出卽愈

一清解之劑用治表裏而兼清兼散也凡熱之甚者毒必甚若身常有汗而大熱不退或兼煩表裏俱熱也須兩解之宜連翹烙手而目赤口乾二便熱秘煩柴胡飲子甚者大連翹飲雙解散或調益元散以利之

一表汗已透者不得再汗恐外止陽而內傷氣也

一發熱之時有腹痛脹滿者必外邪與毒氣相併未得外達而然宜參蘓飲加砂仁溫而散之

一初熱時有驚搐譫語者是為痘搐微是而隨止者不必治若

一元氣強壯而搐之甚者宜羌活散調製過砂以表之若痰

涎壅盛喉內作聲者宜煎生薑湯調化痰丸服之或抱龍丸

亦可

一此時渴欲茶水只宜少與葱白湯既可止渴亦可疎表

一疔瘡首尾皆長聖瀉宜檢本條速爲治之否則內潰脫陷之禍不可勝言也

徐氏曰凡解表之藥必在紅點未見之前如熱之甚者邪毒必甚宜敗毒散或參蘇飲調三酥餅

張翼之曰凡痘瘡一見紅點便不可用升麻葛根湯恐發得表虛也程晨峯曰治痘者不可輕用升麻恐提氣上衝引動肺氣也按此二家之說是皆治痘之大要甚屬有理但其中亦有宜否之辨如陽氣下陷不能透達肌表者則暫用升麻固共所宜又或雖見紅點而表有熱邪未解者則仍宜解散亦不可緩此二說者雖不可堅執實不可不知也

吳東園曰初熱時只有二事惟去邪扶正而已邪熱盛則去邪而正氣自旺正氣衰則扶正而邪熱自退正氣盛而痘自發熱爲痘用則不爲害矣邪氣退而正氣不受燥血脈克裕則

痘自泰矣須於此時看明下手遲則無濟於事矣

報痘三朝治款二十五

痘之形色初見吉凶攸分而寒熱虛實亦已可辨凡調攝挽回之力惟在此時尤為緊要且痘出三日內毒在牛表半裏之間關係最重故妄汗則成斑爛妄下則成陷伏寒涼過用必傷正氣燥熱過用則助邪氣虛寒不補則陷伏痒瘍實熱不解則變黑歸腎倘有一差死生立判醫者於此不可不為之慎

一痘瘡見點後身熱稍退別無內熱等證或色不甚紅頂不甚突者便有虛象雖在三五日內亦切不可用寒涼之藥恐傷脾胃為害不小須以保元湯或六物煎之類為主因證加減以培養之

痘瘡必因熱而出因熱而起若熱甚則血燥血枯其出反難

故於未見點之先必須察其寒熱預爲調理若有熱證勿得
過用辛熱氣分等藥恐助火邪致滋多變

一此時最畏泄瀉宜按本條急治之

一見點太早者有吉凶虛實之辨凡發熱一日或纔執便見必
血熱毒盛之所致其證多凶但得痘稀而飲食如常別無他
證則亦無害○若其形氣本弱而痘現速者此營熱衛虛不
能約束於外故出現太驟須兼實表庶可免疔瘍潰爛之患
宜實表解毒湯主之○如發熱一日便出而密者其證最凶
其毒必甚此證最忌溫補宜搜毒煎加柴胡主之或羌活散
加牛旁子紫草蟬退或調保嬰丹熱甚者調退火丹或雙解
散急治之可保一二○其有痘雖出早而色不紅紫熱不甚
者此全屬表虛之證如保元湯六物煎之類亦所常用
一痘出不快者有數證須審其有無外感內傷而辨治其所病

○如冬月嚴寒或非時陰邪外閉寒勝而出遲者宜五物前
加生薑麻黃細辛之類主之或五積散亦佳○如夏月火熱
薰蒸以致血熱氣虛煩渴發燥而出遲者宜人參白虎湯如
木通乾葛主之○有因時氣不正為風寒外邪所襲以致皮
腠閉密發熱無汗而出遲者其證必頭痛鼻塞四體抱急酸
痛宜疎邪飲參蘓飲惺惺散之類主之○若本無諸邪而出
不快者此氣血內虛不能驅毒托送而留連於內宜十宣散
或托裏消毒散○若氣分大虛而出不快者宜保元湯六氣
煎血分大虛者宜五物煎或六物煎加減主之○若內有所
傷氣滯而出不快者宜勻氣散橘皮湯加減主之○頭面出
不快當用川芎荆芥羌活防風天麻之類為引使○胸腹出
不快當用藁本升麻紫蘓及紫草木通湯○四肢出不快當
用桂枝乾葛甘草連翹紫草葱白各加生薑為佐連進二服

出自快矣

一痘不起發者雖證有不同然率由血氣內虛不能托送者居多此中或宜兼解散或專補元氣當辨而治之○凡出齊之後或被風寒所閉而發熱頭痛陷伏不起者宜羌活散參藜飲加內托等藥治之○若紅點初出暗昧乾燥不起發者宜四物湯加紫草紅花丁香蟬退官桂或調無價散量見大小與之○若便實內熱隱隱肌肉間不起發者宜紫草飲子○若血分微熱而毒不能達者宜托裏消毒散○若氣虛氣陷不起者保元湯或蟬退膏加黃芪○若血虛不起者芎歸湯四物湯○若血分虛寒不起者五物煎○若氣分虛寒不起者保元湯六氣煎○若氣血俱虛不起者六物煎托裏散○凡以上補助氣血等劑須加好酒人乳糯米更妙○凡發痘之藥用本不同有以毒攻毒而發痘者如川山甲人牙蟬

酥蟬退之屬是也有解毒清毒而發痘者如紫草紅花牛旁
子犀角木通連翹金銀花之屬是也有升提氣血而發痘者
如川芎白芷荆芥升麻蔓荊子之屬是也有解散寒邪而發
痘者如麻黃桂枝柴胡乾葛防風紫蘊葱白之屬是也有行
氣行滯以通壅塞而發痘者如丁香木香陳皮厚朴山查大
黃之屬是也有益火回陽健脾止瀉而發痘者如附子肉桂
乾薑肉豆蔻之屬是也凡此者孰非托裏起痘之法然但可
以此爲佐而必以血氣爲主則在乎四君四物十全大補之
類庶乎隨手而應無不善矣

一 虛證見於報痘之時卽當速爲培補失此不治必不能貫漿
結痂十日後必致不救蓋痘瘡實熱者毒盛可畏虛寒者內
敗可畏但實熱證顯虛寒證隱人多誤認故爲害反甚且痘
瘡之所賴者惟飲食血氣飲食之本在脾胃血氣之本在肝

腎但使脾胃氣強則滋灌有力而無暢則毒皆生化而無表虛痒瘍之患此甚所當早辨而治也○凡痘出灰白不

身無大熱皮嫩色光溶溶如淫濕之狀

膨溘泄二便清涼皆表裏虛寒證也○

四君子湯○氣虛微滯者五味異功散

湯六氣煎○脾氣虛寒者養中煎溫胃

者四物湯○血虛宜収者五物煎○氣

福飲或八珍湯○氣血俱虛而寒者十

氣大虛大寒者九味異功煎六時回陽

者陳氏十二味異功散○凡痘瘡色灰

候出齊以保元湯和木通川芎最穩

火證熱毒在見點之後宜速為清解若

不早治則日甚一日

虛陷以之憂氣而虛

其在氣白而或微或

紅綻或灰黑頃陷或

或口不渴飲食少腹

若氣虛者宜調元湯

○氣虛宜溫者保元

飲或理中湯○血虛

血俱虛者六物煎五

全大補湯○脾腎血

飲○脾胃虛寒氣澤

白不起發者氣虛也

五

五

五

五

五

五

五

一必致不救○凡見點太赤根下皮色通

管束也後必起發太驟皮嫩易破或痒

分之熱用涼血養營煎或鼠粘子湯或

藥治之或四味消毒飲益元散俱佳○

熱當自解若瘡已出而壯熱不減此毒

瘡必密宜解其毒用柴葛煎或鼠粘子

熱不退或三四點相連色紅帶紫或根

口唇熱燥煩渴喜冷舌上有胎或二便

盛之重候急須清熱解毒如表熱甚者

宜搜毒煎加柴胡或用六味消毒飲加

山查蟬退歸芍紅花之類或調退火丹

內甚而發驚狂譫語者宜用紫草煎湯

元散或退火丹解之○以上凡解毒之

紅此血熱氣有不能

瘡不可救宜急清血

用六味消毒飲加芍

凡痘瘡已現毒泄則

蘊於內其勢方張其

湯○凡見點之後壯

寒焦色紅紫成片或

燥溼此表裏皆熱毒

宜柴葛煎裏熱甚者

酒岑木通梔子黃連

加咸用之○如熱毒

犀角汁調硃砂公

此藥退二便調能

食不渴此表裏皆清也切勿再為解毒須急以保元湯四物湯六物煎之類調補氣血以助貫漿收斂否則恐變痒扇而不能善其後矣○如痘瘡內熱之甚

燥腹脹滿脉見洪數而痘出不快者此熱毒壅伏於內須通

利之以祛其熱毒宜柴胡飲子或三黃丸甚則承氣湯或用

猪膽導之然此惟熱毒在裏痘形未見不得已而微下之可

也若斑點隱隱見於皮膚中者此已發也在表乃痘瘡正發

之時切不可妄用下藥○凡痘瘡初出但見紅點稠密急用

纏豆藤燒存性加製過硃砂連進二三服或用薄荷牛旁子

煎湯調退火丹服之另用吳茱萸為末以水調攤足心引下

熱毒亦可解散其勢

一痘出變黑乃危證也蓋痘瘡賴血氣滋灌血足氣克則痘白

紅活若熱毒薰燥則成焦黑若陽氣不見則成灰黑且黑者

水色其虧在腎以陰犯陽最為惡候當辨而治之○若熱毒疑聚大便秘結或煩躁熱渴而為焦紫黑陷者須通其便先以解裏之急宜柴胡飲子或當歸丸得利後宜卽以紫葦飲或加味四聖散以化表之毒仍用胭脂汁以塗之○若大便不結別無大熱等證而痘色黧黑者總由脾虛不能制水故見黑色宜速用五物煎或保元湯加紫葦草紅花服之外點以四聖丹胭脂汁若漸見紅活則吉若更乾黑則凶○心鑑云凡治黑痘當用保元湯加芎桂補提其氣氣旺則諸毒自散黑者轉黃屢試屢驗

夾疹夾斑證本非痘中吉兆然亦有輕重之辨宜酌而治之外有本條仍宜參閱○凡發熱二三日之間痘形未見忽然變身發出紅點層密如蚊蚤所咬者次非痘也此乃斑疹之屬多為風寒所遏不能發越而斑見也宜疎邪飲紫葦

煎或敗毒散之屬微散而解之但得身涼斑必自退再越一日痘出必輕矣○凡痘夾斑疹齊出者亦宜辨其寒熱若表裏俱熱而邪不解者宜柴葛煎加減主之○若熱邪不甚而表邪甚者宜疎邪飲或柴歸飲加羌活防風乾葛之類主之或敗毒散亦可用○若痘夾紅斑如綿紋者宜涼血化毒湯加柴胡黃芩玄參犀角之屬主之○若痘出夾斑夾疹而眼紅唇裂者表熱也煩躁大渴妄言妄見者裏熱也表裏俱熱最爲凶證若不表裏兼治何由得解宜雙解散主之○若加悶亂氣喘者必不治

一賊痘者於出齊之後其中有獨紅獨赤獨大摸之枝軟而不碍手者此賊痘也過三日之外必變成水泡甚至紫黑泡皆危證也急用保元湯或六氣煎加紫草紅花蟬退解之或用燈草木通煎湯調下益元散利去心經之熱而紅自退○恐

已成水泡宜用保元湯倍加四苓散利之此秘法也不然則
遍身擦破臭爛而死

一病於未出之先倘有濕瘡膿水流注者用滑石末敷之以防
其漏氣或真正綠豆粉亦可

起發三朝治欵二十六

痘瘡放標之後漸漸起脹但肥胖一分是胎毒發出一分胖盡
而毒出盡也有不起者或因元氣之弱不能送毒或有襍證
阻滯不能升發皆痘前之失調理也此時當速治之否則後
難為矣

一痘宜漸發者吉若一齊湧出皮肉虛腫者此表虛不能收攝
故奔潰而出後必痒癢或成潰爛急宜人參固肌湯或芎歸
湯○若血熱者宜涼血養營煎○虛甚者宜六物煎○毒盛
者宜六味消毒飲或四味消毒飲出入用之

一痘不起發或起而不透者多由元氣內虛不能托送故毒氣
留伏不出也毒不盡出則變證莫測凡見此者速當救裏以
托其毒然當察其氣分血分辨而治之蓋痘之壯突由乎氣
肥澤由乎血氣主响之血主濡之也若形雖壯而色見枯者
此氣至而血不榮也宜四物湯加人參麥門冬之類主之○
若痘色紅潤而形平階者此血至而氣不充也宜保元湯或
六氣煎加川芎主之若形色俱弱而不起發者此氣血俱不
足也宜六物煎加減主之或保元湯十全大補湯調無價散
或獨聖散與之○若冬春之間爲寒氣所抑不能起發者宜
麻黃甘草湯加歸芪或十宣散主之○若夏秋火盛不起而
煩渴秘結內熱者宜人參白虎湯○若痘瘡起脹遲延不紅
活者宜保元湯或六物煎加丁香山查糯米人乳好酒主之
或用無價散量兒大小以好酒調服○凡痘瘡起發通身皆

欲其透惟四肢稍遠難齊若脾胃素強能食者勿慮惟脾胃素弱食少者四肢多有不透以脾主四肢津液不能灌溉故也宜以補脾為主用快班越婢湯加當歸或黃芪建中湯加人參防風○若因誤服涼藥而致白癩不起者宜理中湯或胃愛散也

一痘雖起發若灰白色或頂陷者氣虛也切不可用寒涼之藥須六氣煎加丁香川芎人乳好酒主之或保元湯倍加酒炒黃芪當歸亦佳

一痘雖起發紅活若頂平色嫩皮薄不能堅厚者此氣虛也必恐變為痒癩宜六氣煎或六物煎加減主之或十全大補湯十宣散俱可擇用

一地紅血散不附者保元湯加芍藥當歸稍以收斂歸附氣位根窠淡紅線暈枯燥者血虛也宜保元湯加當歸川芎酒洗

紅花再加山查以行參芪之滯少加木香以行氣而血自活也

- 一痘雖起發而乾枯無水或青紫黯色不久必變無陷乃血虛之甚也宜四物湯加人參麥門冬紫草紅花或調服無價散外用水楊湯浴之兼用脂胭塗法
- 一痘瘡紅甚而引飲渴不止者名曰燥痘宜犀角地黃湯之屬
- 一痘色紅紫滿頂或掀腫者血熱毒盛也宜涼血養營煎加丹皮木通牛旁子之屬主之然痘出六日以後有此證者多死
- 一痘已出齊而熱尙不退或煩躁發渴引飲或二火可氣之令可少與冷水數口無妨蓋水性下流不滯上膈亦能使毒從小便而出但不可用生果之類恐傷脾氣也
- 一痘瘡貴顆粒分明如彼此相串皮腫肉浮或於本痘四旁旋出小痘攢聚胖長漸成一塊此候最險宜用快班湯合六味

消毒飲以解其毒

一 出齊後痘有小孔自頂直下至脚 不白不黑與痘色相同者 名爲蛀痘此因表虛腠理不密而爲此證失之不治則大泄 元氣不起不發速人之禍也宜保 元湯或六氣煎大加糯米 川芎丁香提氣灌膿內補其孔甚 爲捷徑連進二三服必孔 滿而痘自起若至黑色則爲疔矣

一 口唇爲脾之外候人以脾胃爲本 不宜受傷如初發熱時見 口唇焦裂此毒氣攻脾乃惡候也 宜用瀉黃散之類以速解 之若不早治則毒聚於唇及衆痘 起發而唇瘡必已先熟內 帶黃漿及諸痘成漿而此瘡已 靨唇皮揭脫漸變嘔惡噎水 昏沉不可爲矣

灌膿三朝治款二十七

膿者血之變也痘瘡初出一點血耳漸起漸長則由血成漿由

漿成膿始成實矣故有血則有膿無血則無膿也痘至貫膿大勢已成此時必以有膿爲主有膿則生無膿則死乃必然之理也故六日以前有熱則宜解毒無熱則宜調養血氣至此自然貫膿若痘至七日以後頂陷不能貫膿者必由先失調治故也所以治不可緩必俟漿足斯可回生若頂陷灰白漿膿不至此血氣俱離無生意矣

一痘瘡貫膿專以脾胃爲主脾胃強則氣血克實膿漿成而飽滿堅厚不須服藥脾胃弱則血氣衰少所以不能周灌故雖見漿而漿亦不滿或清淡灰白不能作膿卽所蓄微漿仍是初時之血水而漿薄無以化膿者總屬血氣大虛之候若不速治必成內攻外剝之證宜急用六物煎或六氣煎加減治之或保元湯或十全大補湯加人乳好酒與服亦妙○欲辨脾胃強弱當於飲食二便察之飲食雖小而大便堅者脾胃

之氣猶可也但微加調補以能食為貴若大便不實或見瀉瀉則最為可畏蓋一瀉則漿停瀉止則貫滿矣速宜用溫胃飲甚者用陳氏十二味異功散主之○如痘當作膿之時猶是空殼此血不附氣也血既不至則毒何由化宜五物煎或四物湯或紫草散加蟬退主之○如頂陷膿少或服內托藥而暫起復陷者血氣大虛故也宜十全大補湯倍加參芪當歸糯米煎成和人乳好酒服之此助灌之妙法也

一貫膿三朝之內若身涼而痘色灰白或不進飲食或寒氣逆上而為嘔吐或腹脹或泄瀉而手足逆冷此皆純陰無陽之證也急宜用保元湯加二仙散連進數服甚者必須九味異功煎或陳氏十二味異功散皆可擇用○若寒戰咬牙泄瀉等證俱同此治

一手足灌膿飽滿者方見脾胃之強氣血之足也若色見灰白

漿水清薄或鑿瘍不起者此必脾胃之弱也或灌漿已完而四肢猶有不灌者恐終變痒瘍之證宜快班越婢湯或六氣前加防風白芷以達之庶無陷伏之患若毒有未透亦恐關節之處屬後致生癰毒

痒瘍不止者雖曰氣血俱虛然亦由火力不足故不作痛而作痒也宜六氣煎或五物煎加防風白芷木香蟬退主之○心鑑曰氣愈虛則愈痒當用保元湯倍黃芪以助表少加芍藥以制血其痒自止○若將屬發痒此毒退血活新肉和暢自然之理也不必治之

一 胃膿痛楚不止者氣滯也少下保元湯加山查木香以行滯氣如膿色盛滿大下四苓散利之而痛自止

一 痘瘡起發之後不作膿者有四證○有內虛而不灌者專宜托補氣血治法如前○有感風寒邪居膚腠而不灌者宜溫

散之以柴葛桂枝湯加黃芪白芷○有熱毒熾盛身壯熱津液乾涸小便赤熱而不灌者宜托裏解毒利小便以紫草飲子或用辰砂六一散解之俟熱退後宜可用保元湯熱甚者大連翹飲○若大便秘結數日不洩脈不灌者宜豬胆導之使氣得疏通則營衛和暢不然恐成黑陷也○有觸穢氣而不灌者外宜薰解用胡安酒或辟邪丹內服紫草木香湯或紫草快班湯

程氏曰凡頂陷無膿者爲逆但得根窠紅潤血猶不散急用保元湯和芎歸白芍丁香糯米煎熟加入乳好酒溫服○若色白如水晶內無膿者治亦同但得膿痘相間者猶可治若純是水晶色者決死○若地紅血散有熱者去丁香加白芍地骨皮以斂血退熱○若寒戰咬牙宜以木香散異功散選用程氏曰凡正壯之時有痘雖起壯而皮膚無力按之水漿就出

雖肉色不暗此乃名爲假壯至十一二日決不能回漿結醫
內攻而死可急用保元湯加丁香川芎糯米提氣灌膿自愈
此卽名內托也凡內托之法卽保元湯加川芎丁香便是不
必千金內托也但按本方在使用之

痘將灌膿之時忽面上有乾靨者卽倒陷證也宜速用八珍
湯或六物煎加金銀花牛旁子連翹麻黃之屬水煎熟調獨
聖散服之○服藥後若乾者後起作膿未乾者卽壯而飽滿
或空地處再出補空小痘者上也○若痘不作膿空處或發
癰毒者次也○若連進三服而乾者不腫未乾者不飽補痘
不多則最險證也宜以十全大補湯加金銀花調治之
一灌膿時發白泡如彈子者用棗針刺去其水外以滑石末敷
之內服保元湯加石榴皮茯苓以利皮膚之水○如發紫泡
乃毒溢皮膚之上也此證必危

一瘡爛成片膿水不乾者用滑石末敷之或敗草散敷之加珍珠尤妙

一痘瘡有重出者凡痘瘡被損潰爛處但得復腫復灌不致乾枯或於原無痘處復出一層如初出之狀亦以漸起發灌膿者此皆餘毒未盡賴裏氣兒實毒不得入故猶出於表而不成倒陷是皆逆中之順證也但痘瘡重出一番必其人能食而大便堅乃足以勝其再作之毒自無足慮也如食少而大便潤者宜用十全大補湯之類補而調之若自利者宜陳氏十二味異功散肉豆蔻尤主之蓋病久氣虛惟利溫補不可再解毒也

結靨三朝治款二八

痘瘡灌膿之後肥澤堅實以手摸之瘡頭硬而破焦此欲靨也靨時乾淨無突陷活濕破綻色蒼蠟皮堅厚不明內暗尖利

疔指者此爲正屬若痘雖似乾而痂薄如紙或有內證未除此痘之極險時也急宜調補庶不致害

痘瘡自出起至十日十一二日當從口唇頭面以漸收屬俱自上而下者爲順自下而上者爲逆察有他證速宜治之

將收屬時而一向身溫忽然發熱者名爲乾漿是亦常候此時不可輕用汗下若有風寒外感及飲食所傷乃當隨證治之

痘瘡收屬太遲或當屬不屬者證有數種當詳辨治之○大

都皆屬不屬之證惟脾胃弱中氣虛者若多蓋中氣虛則不能營養肌肉使之成實亦或致潰爛也但察其別無他證而

形色氣血俱虛者宜內用十全大補湯外用敗草散襯之○若當屬不屬微熱脉大而別無他證者此陰分之不足也宜

四物湯倍加芍藥何首烏○若血虛熱毒未清者宜四物湯

加牛旁子末通山查○若因食少脾胃氣虛而不收者宜六
氣煎或六物煎加減主之○若頻見泄瀉脾胃弱肌肉虛或
腹脹煩渴瀉不收者宜陳氏十二味異功散或木香散外用
敗草散敷之○若當瀉不瀉之際忽見頭面溫足指冷身不
熱或泄瀉腹脹氣促煩渴急與陳氏十二味異功散或九味
異攻煎遲則不收○凡痘瘡將瀉之時而見泄瀉煩渴腹脹
咬牙等證多有難救若與蜜水生冷等物必煩躁轉加而死
○有因飲水過多或觸於濕氣以致脾胃肌肉濕滯不收難
瀉者宜五苓散或四苓散加山查利之○有因熱毒未退膚
滕鬱蒸陰不能斂而當瀉者若不速解則毒必內攻爲
害不淺宜犀角散加芍藥牛旁子○有內外俱熱陽毒散漫
以致大便秘結陰氣不行而當瀉者宜內用四順清涼
飲或三黃丸以通其便外用敗草散猪胆煎法○有天寒矢

於蓋覆瘡受寒凝而不收者宜服五積散外用乳香或芸香
於被內薰之○有天熱過煖痘被熱蒸不收者宜內服人參
白虎湯或五苓散四苓散以利濕熱外用天水散撲之○有
爲邪積陰寒所觸致傷元氣而不靨者宜保元湯或十二味
異功散外以辟邪丹薰之猪髓膏塗之卽愈

一痘瘡內熱毒邪未盡化而乾靨太疾者後必爲目疾或爲癰
毒及諸怪證宜涼血養營煎少清其火若大便過於乾結者
宜微利之以解其毒當歸丸主之

一痘瘡有膿結靨則爲善無膿結靨則爲凶此治之不可緩也
若痘已膿成不能結靨而及致潰爛或和皮脫去者此名倒
靨乃毒氣入內也急須大補中氣以托其裏宜六氣煎倍加
芍藥及紫草防風白芷主之若兼濕熱者宜六氣煎加芍藥
合四苓散主之○如頭面瘡破服補藥後但得復腫復灌或

通身無瘡處又出一層謂之補空雖過期延日而飲食不減不爲大害若服藥後不起不補此毒已入深最凶候也

一痘瘡無論已潰未潰於十二日之後但得結靨便爲佳兆若痂皮不結則必成倒靨其有回之未盡或遍身俱靨而但有數顆不靨者終致作痒抓破亦難必其生也速宜治之

靨時色白如梅花片者此爲假回十二日後當死此不治之證也如水泄瀉可速用六氣煎或六物煎合二仙散大進救之

痘瘡成膿不靨以致潰爛膿汁淋漓粘着疼痛不可着席者用敗草散或蕎麥散以絹袋盛撲之更多布席上襯卧尤佳或用祕傳茶葉方亦佳○若欲面上不成瘢者用救苦滅瘢散以蜜水調敷之

痘瘡潰爛先傷於面者凶兆也如飲食無阻二便如常更無

他證者宜內用十全大補湯○如毒盛內熱者宜以解毒防風湯加當歸蟬退相間服之外以救苦滅癩散敷之

一痘瘡於未貫之先或曾傷犯破爛成瘡及諸痘收靨此獨不靨膿汁不乾更多痛楚若不急治漸成疔蝕損傷筋骨以致橫天宜服十全大補湯外敷救苦滅癩散或白龍散

一痘瘡抓破去皮而猶有血水者急用六氣煎或六物煎主之外以白龍散敷之

一痘有臭氣凡當收靨之時臭而帶腥者此痘瘡成熟之氣邪氣自內而出也為吉○若臭如爛肉濁惡不可近者此雖似結痂未可為真急須清熱滋血宜涼血養營煎或解毒防風湯○若於養漿之時便見臭者此毒火薰蒸之氣積於中而見於外也尤凶速宜清熱以解其毒○若痘瘡潰爛不靨而臭不可聞者名為爛痘間亦有收靨無事者只要胃氣不

飲食如故不作煩躁則爲可治宜用八珍湯或四味清毒飲外用敗草散敷之

一痘瘡屬後而有生瘡潰爛成坑者須用托裏消毒散或解毒內托散主之如氣血俱虛而不斂者必用十全大補湯○如遍身瘡多潰爛深而無氣血者必死

屬後落痂治欵 一九

痘瘡結痂自當依期脫落其有應落不落及延綿日久者此亦不可不察而治之以防他變也

一結痂至半月一月粘肉不落或發痒者此必表散太過傷其津液以致腠理虛澁無力脫卸改也宜用人參固肌湯或以真酥油麻油潤之○如久而不脫宜六物煎加黃芪肉桂蠲退主之切不可勉強剝去恐傷皮肉一時難愈

一遍身結痂雖完若餘熱未退蘊畜肌表或身熱或煩渴而痂

不落

涼血養營煎或解毒防風湯酌宜用之○如熱甚

者宜

翹飲加地骨皮主之○外宜用滑石為末以蜂蜜

調勻

搗潤痂上即落

一痘癩

作痒不止者此熱毒未盡也宜解毒防風湯主之

一痘癩發痒剝去痂皮或血出或

復成膿如瘡疥者此血熱氣

虛也宜四君子湯或四物湯加

紅花紫草牛旁子治之

一收靨遲而痂不落昏昏欲睡此

邪氣已退正氣未復脾胃虛

弱也宜五福飲或調元湯緩緩

調治之若餘火未清者宜酸

棗仁湯

一痘痂既落中氣暴虛多有不能食者宜五味異功散或養中

煎以調之

一收靨落痂之後若餘熱不退譫語昏沉者用辰砂六一散以

小柴胡湯調服之若大便秘脹者宜當歸丸利之熱甚者用

大連翹飲最妙

一原痘不灌膿乾如豆殼雖痂落而疤白或有餘熱不退者雖過一日亦要死宜速用八珍十全之類調補之○或毒盛者仍須先用消毒散

一痘痂既落之後血氣未復極當調護切不宜澡浴及食飲生冷傷饑過飽損傷臟氣致生他病爲終身之患也慎之慎之痘後餘毒發熱三十

瘡痘無論疎密只要毒出得盡而無畱伏其發以漸而透其收以期而淨豈尙有餘毒哉若出不能盡發不能透收不能齊其人自有餘熱或渴而腹痛吐瀉或小便赤澁大便秘結精神昏憤四體倦怠飲食減少坐卧不安是皆餘毒未淨之證凡出之淨者作三四次出大小不一至成漿收靨之時於瘡空中猶有補出者此皆出之盡也若只始出一層後無補出

之痘此必尚有伏也又發之透者必於手足候之蓋手足剖
遠氣不易達若能克拓飽滿漿氣頗足可謂發之透也若只
平痲不能成膿此毒雖出而未能旁達四肢必有留而伏者
又收之齊者自面而下痲皮潔淨中無潰爛可謂之齊若收
之太早或不戒痲此必有內陷之毒也凡若此者皆有餘毒
須察部位經絡寒熱虛實或補或利或解或散以平爲期若
治之不應不已者此壞證也不必妄行攻擊

痘後發熱不減者此有虛實二證如能食而煩渴小便赤大
便秘者實也宜四順清涼飲二黃丸之類主之○若痘後餘
毒未淨有諸熱證者惟大連翹飲爲最佳○如大便不秘小
便不赤坐臥振搖飲食少進者虛也宜調元湯或五福飲加
芍藥之類主之

心鑑云痘後餘熱者虛熱也虛熱多發於午後臉赤唇紅或妄

言謔語切不可作實熱治當用調元湯或保元湯加黃連熱甚者宜大連翹飲若妄用攻下使清氣一虛則變生他患致成壞證不可治矣

徐氏曰痘後餘熱不除者當量其輕重而治之大熱則利小便小熱則宜解毒蓋利其小便使心火有所導引雖不用涼藥而餘熱自無容留矣小熱宜解毒者蓋小熱不解恐大熱漸至矣利水者宜導赤散解毒者宜犀角地黃湯。若但身表發熱而別無他證者止宜柴胡麥門冬散

禁忌三一

一痘瘡起發之初全要避風寒遠入物節飲食守禁忌若到養漿之時尤宜謹慎如天氣大熱則撤去衣袖當令清涼但謹門窗帷帳勿使邪風透入如天寒則宜厚添蓋護房中勿絕火如或作痒須爲撫摩勿使搔破以致難貫最當慎也

一 房中凡諸臭穢腥香之氣及僧道師巫之人或罵詈呼
怒驚歌樂掃地對面搖麈對面梳頭之類皆不可不避

一 房中欲辟臭穢惟燒辟邪丹或紅乾棗或黃熟香皆佳若蒼
朮之氣則太峻也

一 飲食最宜調和無使太過不及或好食何物有不宜者但少
與之以順其意若禁固太嚴使之忿怒恐反助火邪但不可
縱耳至若助火生風及葱蒜泄氣等物皆所當慎

一 痘瘡前後大忌猪肉魚酒之類恐惹終身痰飲

一 痘瘡平復之後勿與雞鴨蛋食之則傷神

一 痘疹退後須避風寒戒水濕如犯其邪則終身欬患瘡無
有休日

東垣曰痘瘡宜避一切穢惡氣及外人入房遠行勞汗氣腋不
狐臭氣房中淫液氣射香燥擅氣婦人經候諸血腥臭氣硫

黃蛟烟氣廁缸便桶氣誤燒頭髮氣吹滅燈燭氣雞干魚骨
氣葱蒜韭薤氣已上皆不可犯須要時常燒乳香之類甘香
之氣使之漸聞則營衛氣暢可無任壓陷伏等患

陳氏曰凡痘疹熱渴切不可與瓜柿蜜水等冷物及清涼飲消
毒散等藥恐損脾胃則復脹喘悶寒戰咬牙而難治。輕變
重者犯房室不忌口先曾瀉飲冷水餌涼藥也重變輕者避
風寒並和煖大便調也

薛氏曰別證若兼吐瀉手足指冷屬內虛寒而外假熱也最忌
寒涼若大便不通渴欲飲水則蜜水之類又當用也但當審
其熱之虛實可也今北方出痘多有用水無不愈者蓋北方
多睡熱坑故也

出不快三三

凡痘瘡出不快者多屬於虛若誤謂實熱壅盛妄用宣

利之藥致臟腑受冷宮衛澁滯不能運達肌膚則不
克滿亦不能結實成加後必痒癩煩躁喘渴而死

薛氏曰前證亦有各經熱盛壅遏而出不快者亦有毒甚痘疔
而不能起發者亦有餘毒而潰痒者當細審其因而藥之

景岳曰按此二子之說皆爲有理但此出遲不起之證總是氣
血內虛不能速達者爲最多若風寒外閉及痘疔留毒而不
出不起者雖亦有之但不多耳再若各經熱盛而壅遏不出
者則尤爲最少何也蓋熱盛者毒必盛毒盛者勢必疾速而
或密或早無能緩也故凡治此者必當察其熱之微甚以辨
虛實再察外邪之有無以辨表裏如無外邪亦無痘疔而火
邪不甚者則盡屬虛證且從溫補不得雜亂以遺後患也諸
治法詳報痘三朝治欵中

凡看痘之法其出欲盡出不盡者伏也其發欲透發不透者倒
陷也其收欲淨收不淨者倒靨也伏惟一證陷有數種凡毒
之伏者患在未壯之先其人瘡雖出而熱不少或煩渴或
躁悶此必有伏毒未得全出也陷則患於既壯之後其血漸
乾而變黑者謂之黑陷漿膿未成而爲痒瘍或破損者謂之
倒靨漿膿既成而復濕爛皮破不肯結靨收不乾淨者謂之
倒靨亦陷類也是皆惡候凡治此者使非猛峻之劑安能望
其回生時醫欲以尋常之藥救此危病其猶放雀搏鷓鴣爭
敵虎耳故其輕者宜奪命丹重者宜神應奪命丹則其庶幾
耳倘服藥後而反增黑色者爲必不治之證

一痘之留伏毒不盡出者證有不同當辨治之○有元氣不足
而托送無力者此必稟賦素弱飲食素少身無大熱而出有
不透即不足之證也宜十宣散蟬退膏之類加獨聖散主之

○若虛而有熱者宜人參透肌散○有毒盛氣帶留伏經絡
而出不透者必其人氣體厚濁身有大熱而汗不易出即皆
有餘之證宜荆防敗毒散主之○若表裏俱實外有大熱內
有秘結煩滿而留伏不透者宜雙解散

乾黑不起而倒陷者當分五證○一則內虛而陽氣不能外
達故致出而復沒或斑點白色或見灰黑倒陷者必其人不
能乳食或腹脹內寒或手足冷或吐瀉或寒戰咬味皆內虛
也速宜溫中輕則十宣散六氣煎甚則陳氏十二味異功散
或九味異功煎外用胡荽酒噴之或更用十全大補湯但得
冷者煖陷者起黑者紅活便是佳兆若服藥後而反加煩躁
昏亂者死○二則毒氣太盛內外薰灼不能盡達於表因而
復陷於裏乃致熱煩躁擾氣喘妄言或大小便不利渴而腹
脹是皆毒氣之倒陷也輕者利小便宜大連翹飲通關散或

四順清涼飲甚者過大便宜承氣湯並外用木楊湯浴之得
利後瘡出則佳更用加味四聖散調治之凡治此者但得陽
氣不敗脾胃溫暖身溫欲飲水者生若加寒戰身冷汗出耳
尻欠熱者死○三則外感風寒肌竅閉塞血脈不行必身痛
或四肢微厥斑點不長或變紫黑如癰疹者此倒伏也宜溫
肌散表用桂枝葛根湯加麻黃暉退或紫草飲外用胡荽酒
噴之但令溫散寒邪使熱氣得行則痘自長矣○四則或因
誤下毒氣入裏而黑陷者先宜六氣煎或溫胃飲以培養胃
氣如表有未解者後宜柴葛桂枝湯以疎散於外甚者再加
麻黃○五則以房室不潔或爲穢惡所觸而黑陷者宜內服
紫草飲子外用胡荽酒噴之或用茵陳黃芩并用辟邪丹
將起發時雖有漿水但色見黑黯者最爲可畏急宜六氣煎
加川芎以養血氣血氣旺則毒自散而色自活矣或以十全

大補湯合無價散主之

凡倒靨之證亦須看大便何如若大便秘結而內熱者宜利之以四順清涼飲或三黃丸主之○若大便不實而內不熱者宜補之以六氣煎或十全大補湯加防風白芷甚而泄瀉者宜陳氏十二味異功散○有雖不泄瀉而虛寒甚者宜九味異功煎並外用敗草散

治陷伏證有三驗法凡服藥之後但得陷者復腫漸以成膿乃一驗也若原瘡已乾而別於空處另出一層起發成膿漸以收靨者二驗也亦有不腫不出只變自利下去膿血而飲食精神如故者三驗也有三驗者吉無則凶

疔瘍振破 三四

訣云虛則疔實則痛又曰諸疔爲虛此固其辨矣然實卽兼熱也虛卽兼寒也蓋如瘡瘍之痛必由乎熱今不作痛而作疔

此其無熱可知無熱由乎陽虛陽虛便是寒證諸有以初起作痒爲火者皆謬也且凡痘瘡發痒則多爲不起不灌而癩陷繼之最可慮也故凡治痒之法雖云當補然尤不可不溫惟溫補則營衛和氣血行而痘自起矣痘毒既起而透則多有作痛尙何痒哉故痘於起發之時則宜痛不宜痒也然痒有數證亦當辨治如左

一痘瘡初見點便作痒者此邪在半表半裏之間而進退遲疑總由元陽無力欲透不能也速當溫補陽氣兼以疎散但使腠理通暢則痘自起而痒自止矣宜六氣煎加川芎白芷防風荆芥之屬○若虛在血分而色白者宜六物煎或五物煎加減主之

一痘瘡出齊之後但是作痒俱宜保元湯或六氣煎加川芎當歸防風荆芥治之或如十全大補湯或用蟬退膏

一血滲肌膚鹹蝨皮肉而作痒者亦以升麻而然宜保元湯加芍藥當歸以制血或加丁香以治風

自不作痒

程氏曰凡前移痒瘍宜保元湯如何

烏猪赤白兼用

瘡瘡乾而作痒者宜養血潤燥以五物煎加防風荆芥外用

茵陳薰法

一痘瘡濕而作痒者宜補氣去濕以四君子湯加防風荆芥桂

枝以解之外用茵陳薰法

一頭面為諸陽之會若痒而抓破則泄氣最甚速宜大氣煎或

十全大補湯加防風荆芥何首烏之屬以培補之但得復腫

復瀝而飲食如常則無害若痒不止而滿面抓破者必死

一遍身發痒抓破膿血淋漓者宜參芪內托散倍加當歸及白

芷荆芥木香使氣和血行其痒自止外以敗草散敷之

瘡痒潰爛粘衣連席難任者內服十全大補湯加防風荆芥

外用敗草散

一痘瘡見形而皮肉紅豔起發而皮嫩多水者其後多致痒癢也急須先期調補之

一痘瘡將收而痒者其膿已成其瘡已回邪散而正復營衛和暢故痒也不須服藥但謹護之勿令抓破以致損傷成瘡

漿膿初化膿未成而混身痒痒不寧者此惡候也速當溫補氣血用六氣煎六物煎之類加以防風白芷荆芥之屬必令

痒去方保無虞若痒甚不休瘡壞皮脫其毒復陷謂之痒癩必不能活矣

活幼心書云凡作痒不止用荆芥穗以紙束之用刺痒處以散鬱邪其痒自止此屢驗之法內服消風化毒湯加參歸以解

之

作痛三五

痘瘡作痛有實有虛雖曰諸痛爲實然此言亦不可執若身有大熱而大便秘結煩躁不寧喘脹作渴而爲痛者此實痛也若無大熱而一便清利脾氣不健衛氣不克營失所養而作痛者此虛通也實者宜解毒清火當用解毒湯或四味消毒飲之類主之虛者宜補養血氣當用保元湯或六物煎之類主之

頭面腫 三六

經曰熱勝則腫大抵毒盛者必腫毒微者不腫故亦可以腫與不腫察毒之甚與不甚也然痘瘡應期起發毒必以漸盡出故頭面亦必以漸浮腫此毒火聚於三陽之分欲化膿漿其宜然也然止宜微腫而甚腫者大非所宜○若當起發之時

頭面全然不腫必其痘稀磊落毒氣輕淺者然此最吉兆也
一痘以漸起面以漸腫及灌膿收靨而腫以漸消此常候也如
應腫不腫者必其元氣不足應消不消者必其毒氣有餘須
急治之

一有痘未起發而頭面預腫皮光色嫩如瓠瓜之狀此惡毒上
衝之候也又有痘點已見但隱隱於皮膚之中肉日腫而痘
不起者決死○汪氏理辨曰痘起五六日之際有面目先腫
而光亮者是陽乘陰分毒不能發也何也血乃氣之本氣乃
血之標血有不足則根本之力已虧故致虛陽動作其氣妄
行肉分區區不足之血何能載毒而出二日之後傳經已足
則氣退毒陷陰陽各失其正尙何可治之有凡值此者不可
不預調氣血若待臨期無能爲矣

一痘正起發頭面腫脹時正面之瘡切防癢痒不可使之抓破

少有損傷以致真氣外泄邪氣內蝕則腫消毒陷多致死矣
但得破者復灌消者復腫飲食二便如常則變凶爲吉矣宜
十全大補湯或合苦參丸治之

一頭面腫脹而眼目咽喉閉者急宜解毒眼與咽喉相兼治
之宜消毒化斑湯去升麻或大連翹飲主之

一兼疫毒之氣而頭項顛頤腫者此必大頭風及蝦蟇瘟之
屬宜以疫氣治之如大連翹飲及普濟消毒飲之類主之但
兼此者亦多凶少吉也

痘疔黑陷三七

痘有紫黑枯硬而獨大針撥不動手捻有核者是爲痘疔若不
去之則一身之痘皆不能起發或皆變黑色必致死矣其有
黑大而軟者此名黑痘慎不可作痘疔治也

痘疔者以熱毒蓄積氣血凝敗而成也然其類亦有數種最爲

惡候宜謹察之。○有初出紅點漸變黑色其硬如石者此肌肉已敗氣血中虛不能化毒反致陷伏也。○有肌肉微腫狀如堆粟不分顆粒者此氣滯血凝毒氣結聚不散也。○有中
心黑陷四畔突起戴漿者此血隨毒走氣不能克也。○有中
心戴漿自破潰爛者此氣血俱虛皮膚敗壞也。○有為水泡
溶溶易破者此脾虛不能制濕氣虛不能約束也。○有為血
泡色紫易破者此血熱妄行而氣虛不能完固也。○有瘡頭
針孔漿水自出者此衛氣已敗其液外脫也。○以上數證雖
與痘疔不同而危險無異但於五六日間候之若見一證多
不可治

凡痘疔及黑陷者宜內服六氣煎加川芎紫草紅花木通之
類以補血涼血而疔自退疔退後宜大進六氣煎或六物煎
外用四聖丹以胭脂汁調點之。○疔若大者用銀針挑破瘡

口吸出惡血入後藥未卽轉紅活大抵黑陷而疔多或餘毒不起者多死○若痘疔挑去黑血搽藥不變仍是黑色者必死

心鑑曰痘疔見於四肢不近臟腑者易治若穿筋骨者亦難治但有見於頭面復皆逼近於內者其勢必攻穿臟腑矣如未穿者急須治之用飛過雄黃以真蟬酥拌勻爲丸如麻子大挑疔點入立效又或用巴豆一粒去皮膜合硃砂一分研爛點入一時突出卽愈內服無價散汲井水加猪尾血三五點

調下

痘瘡黑陷者必氣不足血不活也急宜托裏散或六物煎加川芎肉桂紅花蟬退調無價散或獨聖散甚者宜九味異功煎或十全大補湯調無價散仍外用四聖丹點之○若見焦紫而黑混身皆是及身有大熱或大便秘結內熱煩渴者此

亦有火毒之證宜四順清涼飲或承氣湯合萬氏奪命丹以解其毒俟火邪畧退卽宜用六氣煎調無價散以托其內亦可望其生也

一痘瘡起發之時但見乾燥其根焦黑卽當速治之如火邪不甚證無大熱者惟五物煎或六物煎爲最宜也如有火證火脈血熱毒盛而焦黑者輕則涼血養營煎或鼠粘子湯甚則以萬氏奪命丹合而服之

一原有瘡疥未愈至痘出之時其破處痘有攢聚而形色黑潰者急以銀針挑破吮去毒血吐於水中其血紅者可治黑者難治須內服加味四聖散或萬氏奪命丹外用萬氏四聖散塗之

一靨後痘疔潰爛成坑內見筋骨者宜托裏消毒散或荆防敗毒散加川山甲蟬退殭蚕外用神效當歸膏或太乙膏貼之

或以白龍散敷之

飲食 三八

痘瘡終始皆以脾胃為主但能飲食則氣血克實而九起發灌漿收靨無不賴之故能食者雖痘瘡稠密亦自無害不能食者雖痘瘡稀少亦爲可虞此脾胃之調所當先也然證有不

同最須詳審施治

一痘有毒氣正盛而不食者當痘瘡正出之時雖不欲食但得痘色真正不爲害也蓋熱毒未解於將出未出之際多有不欲食者待毒氣盡出自能食矣其有痘已盡出而仍不欲食者當徐用四物湯加神曲砂仁陳皮一二劑必能食矣

一痘見灰白別無大熱停滯等證而食少或不食者必脾胃虛也宜五味異功散或四君子湯○若胃中陽氣不足不能運化而食少者此虛而且寒也宜溫胃飲養中煎或六氣煎主

之

一凡命門元陽不足則中焦胃氣不煖故多痞滿不食下焦腎氣不化故多二陰不調此必用理陰煎加減治之自見神效勿謂小兒無陰虛證也

一凡泄瀉或見惡心或嘔吐而不食者尤屬胃氣虛寒也輕則理中湯六氣煎甚則陳氏十二味異功散或用六氣煎合二仙散主之

一凡脾氣不虛但胃口寒滯或痛或嘔而不食者宜益黃散

一凡停食多食而不食者宜大小和中飲以清宿滯或五味異功散加山查麥芽神曲砂仁或合勻氣散治之

一凡口瘡不能進食或咽喉疼痛而不能食者但清其咽痛止自食矣宜甘桔湯或加味甘桔湯

一凡外感風寒邪入胃口則不能食須表散寒邪邪散自能食

矣宜加減參耨飲或柴陳煎或五味異功散加柴胡

痘後別無他證而飲食不進者此惟脾氣不足宜五味異功

散或溫胃飲養中煎之類主之

程氏曰凡水穀不能運化而飲食不進者只用保元湯加陳皮

麥芽神曲砂仁扁豆生薑嘔者加真藿香

徐氏曰痘瘡不乳食者有虛實二證或吐或利面目青白或青

黑色者爲虛寒宜溫之補之若大小二便乾澀面赤而氣壅

或渴或熱或目睛黃赤氣粗中滿者爲實熱宜清之利之

咽喉口齒三九

咽喉司呼吸之升降乃一身之橐籥也毒氣不能舒散則壅聚

於此腫痛閉塞水漿難入則死生係之深可畏也首尾俱宜

甘桔湯加麥門冬牛旁子玄參杏仁或加味甘桔湯及拔萃

甘桔湯俱可用○熱甚痛甚者宜東垣涼膈散加牛旁子或

以甘桔湯合黃連解毒湯加石膏木通牛旁子山豆根射干
盆外用玉鑰匙點之○咽痛便秘者宜四順清涼飲下之○
以上證治必其能食肉熱者方可用此寒涼之劑若上焦雖
熱而下焦不熱或不喜飲食者只用加味甘桔湯徐徐嚥服
不必用牛旁子恐其性涼傷脾也

咽喉腫痛凡痘瘡多有是證但七日前見者爲逆七日後見
者無慮蓋起發灌膿之時內外之痘俱大以致氣道壅腫而
然此痘也非喉痺之毒也待外痘旣靨則內證自除矣不必
治之

徐氏曰凡咽喉腫痛不能飲食者內服加味甘桔湯外看身上
有痘之最大者此其毒氣相連宜用香油燈草燃而焯之一
焯卽愈或用手捻破以痘疔散塗之

陳氏曰凡身壯熱大便堅實或口舌生瘡咽喉腫痛皆瘡毒未

盡宜用四味射干鼠粘子湯如不應宜七味白朮散

痘瘡弄舌吐舌者脾之熱也輕者導赤散甚者瀉黃散

唇口與五內相通故熱毒內發口舌必先受傷毒甚則口舌
或紫或白或黑舌或腫大此皆實熱之證宜內服黃連解毒
湯加石膏牛旁子木通生地或東垣涼膈散若大便乾結者
宜局方涼膈散外用玉鑰匙點之若口舌生疔者以吹口丹
或陰陽散敷之

牙艱腫爛成疔者此陽明熱毒內攻也殺人甚速宜甘露飲
主之外用老茶葉葦菜根煎濃湯洗之仍用翎毛刷去腐肉
洗見鮮血乃以神授丹或搽牙散敷之日三次或綿璽散亦
可○若爛至喉中者用小竹管將綿璽散吹入雖遍口牙齒
爛落日唇穿破者皆可敷藥而愈然必有黃白膿水者方可
治若色如乾醬其肉臭爛日爛一分者俱不治

一牙疳臭爛氣粗熱甚舌白至唇口臭如爛肉大便瀉膿血肚腹脹痛此胃虛毒氣內攻胃爛之證若山根發紅點者此疳毒內攻見於山根亦胃爛之證俱不治
一痘疹退後若有牙齦腐爛鼻血橫流者並為失血之證宜局方犀角地黄湯加山梔木通玄參黃芩之類以利小便使熱毒下行外用神授丹治之不可緩也若疳瘡色白者為胃爛此不治之證

痘瘡中論列方四十一

保元湯 痘

調元湯 痘二

五味異功散 補四

四君子湯 補一

五福飲 新補六

九味異功煎 新因三

四物湯 補八

五物煎 新因三

十二味異功散 痘三二

二陰煎 新補十

六物煎新 因二十

二仙散十一

十全大補湯補一十

八珍湯補 十九

溫胃飲新 熱五

七味白朮散小七

理陰煎新 熱三

益黃散 和十九

黃芪建中湯補二七

托裏散 痘四

惺惺散 小二三

人參固肌湯痘十二

柴葛煎 新因十八

一味木香散痘二一

六氣煎 痘二十

十宣散 痘十四

六味回陽飲新熱二

理中湯熱一

養中煎新熱四

七味安神丸小七三

胃愛散 痘十九

芎歸湯 痘十五

參芪內托散 痘七

酸棗仁湯 補八五

柴陳煎 新散九

人參透肌散 痘十三

柴歸飲 新因十五

蕪葛湯 痘二七

升麻葛根湯 痘二六

疎邪飲 新因十六

小柴胡湯 散十九

柴葛桂枝湯 痘三六

參蘓飲 散三四

柴胡飲子 痘四二

加減參蘓飲 痘三四

五積散 散二九

五柴胡飲 新散五

桂枝葛根湯 痘三七

雙解散 痘四

羌活散 痘三八

麻黃甘草湯 痘三五

益元散 寒百十二

搜毒煎 新因十九

柴胡麥門冬散 痘二四

天水散 寒百十二

敗毒散 痘三一 又三二

荆防敗毒散 痘三一

六一散 寒百十二

解毒湯 痘五一

黃連解毒湯 寒一

甘露飲 寒

消毒散 痘四七

托裏消毒散 痘六

五苓散 和一一八二

瀉真散 寒五七

解毒內托散 痘五

四苓散 和一一八七

退火丹 痘八四

實表解毒湯 痘五四

導赤散 寒一一三二

苦參丸 痘九九

四味消毒飲 痘四八

當歸丸 痘九五

大和中飲 新和七

六味消毒飲 痘四九

二黃丸 攻六八

小和中飲 新和八

解毒防風湯 痘五六

承氣湯 攻一

肉豆蔻丸 小五六

消風化毒湯 痘五八

通關散 痘八五

橘皮湯 痘九二

涼血化毒湯 痘五九

獨聖散 痘七八

勻氣散 痘九三

普濟消毒飲 寒十三

蟬退膏 痘四六

化痰丸 小九九

消毒化班湯 痘五十

無價散痘 七九

三酥餅 痘八十

養血化班湯 痘十八

敗草散 痘一二六

抱龍丸小 八五

涼血養營煎 新因十七

胡安酒痘 百十八

保嬰丹 痘百五

玄參地黃湯 痘八六

水楊湯 痘百二十

大連翹飲 寒七八

連翹升麻湯 痘二八

胭脂汁 痘一二五

犀角散 痘六三

犀角地黃湯 寒七九

豬髓膏 痘一二二

快班湯 痘七三

快班越婢湯 痘七四

蕎麥散痘 一二四

鼠粘子湯 痘七六

射干鼠粘子湯 痘七七

茶葉方 痘一二一

紫草飲子 痘六七

柴草木通湯 痘七十

白龍粉痘一二七

紫草飲痘六六

紫草木香湯痘六九

神授丹因一五六

紫草散痘六五

紫草快班湯痘六八

綿鹽散痘一二四

如聖湯痘十一

加味甘桔湯痘九十

痘疔散痘百十四

甘桔湯因一七五

拔萃甘桔湯因一七六

陰陽散外一三三

四聖丹痘百十五

參芪四聖散痘八

吹口丹痘一二六

玉鑰匙因一九三

加味四聖散痘十

搽牙散痘一三五

辟邪丹痘百三十

萬氏四聖散痘百十六

茵陳薰法痘百十九

人參白虎湯寒三

四順清涼飲攻二五

扁涼膈散痘十九

東涼膈散痘人三一

前胡枳殼湯痘九四

萬奪命丹痘八一

神應奪命丹痘八一

救苦滅癘散痘一二八

萬牛黃清心丸小九四

神效當歸膏外三二四

太乙膏外三二八

全書卷四十四終